


匏部



新輯仕學大彙卷之六目錄

三湖 屏照堂主人彙纂

中詳

○○○給由轉詳

江南 劉諱漢祚
左藩 遼東人

○○○懇免梳木

胡貞巖

○○○請詳開銷

廣東 張及庵 諱弘俊
驛憲 大興人

○○○查催協濟

張及庵

○○○節孝者語

湖西 趙韞退 諱進美
守憲 山東人

○ ○ ○ 編籍壯丁

金華 太守 王蘭垓 諱黃波人

○ ○ ○ 請蠲練餉

汝南 太守 金長真 諱山陰鎮人

○ ○ ○ 清嚴主僕

金長真

○ ○ ○ 人命初驗禁委佐貳詳

南昌 司李 李少文 諱江陰京人

○ ○ ○ 考察事

李少文

○ ○ ○ 覆議幫貼長行

韶州 司李 洪谷一 諱象縣人

○ ○ ○ 議豁屯逋

洪谷一

○ ○ ○ 詳免提解

洪谷一

○ ○ ○ 勦除山寇

洪谷一

○ ○ ○ 請建倉所

紀子湘

○ ○ ○ 清結積案

紀子湘

○ ○ ○ 慎初招嚴覆審

衡州 司李 孫沂水 諱常熟人

○ ○ ○ 祛弊連結

金華 司李 張雲方 諱武進人

○ ○ ○ 署府求代詳

台州 司李 王浴青 諱景州人

○ ○ ○ 詳明捐賑

王浴青

○ ○ ○ 覆桐廬屯米

嚴州 司李 侯筠菴 諱蘭陽人

○ ○ ○ 賑饑詳文

台州 司李 蔣楚珍 諱金壇人

○ ○ ○ 申呈激變

汀州 司李 趙我唯 諱餘杭人

○○○究結事

趙我唯

○○○懇草東改折

和平縣尹 吳靜臍 諱思穆 錢塘人

○○○詳鳥鎗手

吳靜臍

○○○申禁私販

壽昌縣尹 胡海若 諱志寧

新輯仕學大彙卷之六

三洲 屏照堂主人彙纂



○○○給由轉詳

江南左藩 劉謙 漢祚 遼東人

為給由事順治八年十二月蒙 巡按江南蘓松常鎮淮揚等

處監察御史秦批據常鎮道詳據武進縣申稱知縣姜某年四

十八歲遼東遼陽人由貢士順治五年十月內除授今戕本年

十二月二十一日到任扣該順治八年十一月二十一日連閏

寔歷俸三十六個月三年任滿例應給由等回具詳奉批到司

該本司考得本官才優剗剗政出循良處極衝極劇之區一以
是心調劑故能肆應不窮至錢糧雖未完額轄蘇松常三府屬
之積玩本官之竭蹶微解又為獨勝三年已滿例應給由罔不
敢為勞事新鼓功也擬合呈詳云

此順治八年之詳也錢糧未完猶詳考滿今別有五等之
例十分之率同限彙考之條藩有督徵分過未敢為催科
不前者報政矣錄茲以志損益之端

懇免梳木

興泉 巡憲 胡貞巖 詳昇 大興人

為緊急軍務事看得德化處萬山之中去漳郡五百里至泉亦
二百里皆層巒疊嶂紆曲狹斜跋涉艱危飛輓難達據該縣詳
稱奉憲令採取梳木二十根就南埕搜伐運省架橋開路用夫
數千每株夫二百五十名擡至水次以溪澗不行而止渡業行
取一百八十根運至漳州每伐一株先須鑿山通道壅水築橋
用夫千數輓之窮日之力僅行里許木身長七丈餘徑圍七八
尺衆力並舉離地數寸下施滾木上維槓索高已齊人嶮岩壁
立下臨不測之淵雖作飛橋渡險懸木吊崖比到山頭長梁三

懇免梳木

任學大弄
面○落○空○人○無○措○足○之○地○驅○山○鞭○石○無○所○施○其○巧○矣○憲○臺○差○官○在○
彼○身○任○勞○瘁○簡○且○計○不○能○行○新○伐○之○木○其○重○兼○倍○入○水○必○沉○值○
今○春○水○未○發○灘○高○石○出○其○不○能○運○動○于○永○福○港○口○者○矧○可○推○挽○
於○永○春○乎○且○木○自○山○巔○水○際○而○下○道○經○六○縣○之○界○即○在○平○地○枕○
瀕○二○百○餘○人○挽○動○一○株○則○每○一○縣○需○用○民○夫○四○萬○此○雖○竭○數○十○
萬○之○人○力○經○年○累○月○而○不○能○出○安○可○望○其○朝○呼○夕○應○濟○大○兵○飛○
渡○之○用○哉○本○道○奉○令○背○造○同○安○馬○船○嚴○催○各○縣○竭○力○趨○公○槩○不○
聽○其○藉○口○推○諉○只○此○一○項○寔○非○人○力○所○能○為○者○詢○之○提○督○水○
師○皆○云○漳○之○華○峰○一○帶○為○良○材○鄧○林○之○藪○且○逼○近○溪○河○順○流○而○

下○可○直○達○郡○城○上○年○王○師○到○漳○取○十○餘○丈○杉○木○檣○江○東○橋○
不○日○而○成○較○之○德○邑○勞○逸○難○易○何○止○百○倍○况○今○同○安○船○木○皆○自○
山○縣○截○成○板○料○方○能○陸○續○輓○輸○若○梘○木○一○項○則○必○選○良○工○入○山○
相○度○自○首○至○尾○用○斧○斤○叩○擊○有○聲○無○尺○禱○寸○朽○者○方○堪○勝○任○若○
槩○行○砍○伐○或○科○曲○孔○穴○不○中○繩○墨○或○道○途○剝○削○稍○根○不○完○此○至○
地○頭○可○用○者○十○無○一○二○徒○勞○民○力○而○已○今○同○安○見○要○馬○船○梘○二○
百○根○較○漳○梘○為○小○亦○蒙○委○德○邑○採○辦○若○令○解○運○漳○梘○領○彼○必○致○
失○此○合○請○憲○臺○批○免○德○化○伐○運○該○縣○得○尚○力○脩○辦○同○安○馬○船○之○
梘○庶○軍○務○不○致○兩○耽○泉○南○百○萬○生○靈○皆○沐○憲○仁○再○造○之○賜○矣○

此不多遠之事○
易○以○恆○民○力○于○萬○一○耳○
存○以○詳○欲○留○心○世○務○者○早○辨○山○川○之○除○

○詳請開銷

廣東張及菴譚弘俊

本道職司驛傳到任以來即行各屬嚴禁橫索清察濫應稟傳
部文勘合火牌之外紙票白牌槩不准銷盡行駁追以求無負
但粵西驛遞之苦不同於腹內而地處最衝支應最難者又莫
若某某七州縣為甚今追應付紙票白牌銀兩完納無措各屬
具文詳請本道寔有不淨不為請命者奉本院派民有禁一有
差使不應則遲誤軍機應之則借貸雇覓民不能枵腹以當差
官豈能剝骨而賠補是以銷筭之後駁追甚多本道追之州縣
州縣追之百姓催比不啻再三完納絕無一二嗟彼殘黎撞轆

上學人

詳請開銷

見

擡擯使之如畜乃復追補是示民不信何以勸後况濤寧一帶
方在設兵督院不日移駐梧府差使浩煩既不免其力役之征
又不使沾分釐之惠將來所在避亡公事遺悞勢所必至所損
在民而所益又未必在國此本道所不忍言亦本院所不忍
聽者以此為急請賜咨達部嗣後紙票白牌准同勘合火牌開
銷俟大成之後羽檄既稀應付自寡彼時再照各省一槩紙牌
白票不准開銷寔為安便緣係職掌不容緘默伏候憲裁
觀察近兼督催考成遇此早須調劑篇中不特預為之地
抑且大有撝當

查催協濟

廣東張及菴請弘俊
駢憲大興人

看得順治十一年奉有恩赦則十年十一年駢站錢糧自應
分別考成但內部通行本道未准藩司照會是以前冊未經開
明遵奉憲行逐一清算十年既邀恩赦則完欠分數可無細
列至於赦前去任之官似應免議赦後蒞事之官自應參罰無
庸多贅矣惟是一年之內州縣數易其人若上統原額核筭而
不分別月日考成其有在任一載或數月者皆就一年錢糧總
數一例參罰實有枯苑不均之勢且前官未完幾分後官又未
完幾分再有繼之者又未完幾分一年止有十分之數就各官

析之不過幾分以一年合之竟有未完十分以外者矣本道再
三參酌驛站銀兩以本官起上月日緹算某官在任幾月幾日
應徵若干已完若干未完若干并陞任降調被劾丁憂部選委
署督催督徵絲徵接徵等字樣逐一查明造冊呈請憲裁但十
年十一年粵地新恢軍需孔亟不分款項盡數解司遇有勘合
大牌必用支應方於項下開銷其餘皆作軍需赴布政司核算
或解或欠分數總在藩司奏銷冊內通盤徵算本道又不敢不
再三詳明也
公私兩盡仁人用心允過此等弊以為法

○ ○ 節孝者語

鍾氏繁縵綴枝青春忽落堅冰委席長夏不融命托松門身安

井水百年一日彤史有光

敬瑜之妻化及惟蕙陶明之女歌申黃鵠非雁茶函曷彰女德

彭氏青燈自矢白首同歸所謂郁芳出於委灰而渺音生於絕

絃也不軒卓楔之數用代石窳之封

李氏婉婉柔則雍容母儀佐餽孔虔調丸不怠散髮潔身以至

皓首古云聳清漢之喬葉揚幽谷之貞蕤彤管所垂庶幾其迭

孝廉之稱盛於東漢近代以雌燕當之作矣曾生循循孺子也

湖西趙韞退
山東又

節孝者語

畫志無憾白首不哀豈子與之苗裔歟被以嘉名無愧古昔
幽蘭不日植而芳江蘿不日佩而潔其性定也幼女劉遜玉年
未及笄封股和羹以起垂瞑之母是豈知世有卓絕之行形史
之頌而為之哉宜加表章
以伏波銅柱之勳而追念角高瑞厚之行故知鄉里樂推非細
故也蕭之毅翩翩公子油油佳士守青緇之素業總麥舟之高
風豈必飄長纓垂尺組始稱鳳毛哉應加甄表用勵清節
節孝者語多填套麗此以古雅出之卓絕可風

編籍壯丁
金華王蘭垓黃披

看得警報一傳便議城守按塚計人在省城以數千計在各縣
亦以千百計若取之于兵而兵數無多且各兵方將擐甲胄以
待勦援安能供站城之用耶則斷應借力民丁俾人自為守若

非蚤為編派欲號召于臨時不惟渙散難齊亦且倉皇失措又
官府編派往往舍巨族而問貧民夫貧民孑然一身何須護衛
所應護衛者正為有身家者言耳乃富人不自為衛欲使貧人
為富人衛其可乎則不論貧富相應照戶一體均派惟是屬之
于官則小民間之易于驚駭且候點候查耽廢生業殊為未便

此事必請鄉紳任之每縣幾門每門幾坊各坊中有鄉紳則鄉紳董其事無鄉紳即孝廉貢監青衿擇一人為領袖集諸約保開報每坊壯丁若干名登記簿籍送之于官有警則按册按名一呼可集而城守不患無人矣

起勢突兀入議醒快是涵泳于歐蘇也

請蠲練餉

汝南金長具請

為天道元賜甚民生憔悴難堪亟請蠲微以培邦本事竊照汝郡地多磽瘠俗寡積聚自經寇盜蹂躪加以水旱頻仍民苦陷危已非一日鼎革以來十有八年雖日議撫循與之休息然而民財未裕民困未蘇猶冀時和年豐庶幾漸有起色乃自六月初旬至今兩月有餘旱魃為虐四野如焚職率同僚屬齋戒步禱於七月十八日僅得雨三寸四分今望後愈殷驕陽愈熾禾苗蔌蔌之類已種者悉成枯黃未種者猶然赤地所賴東南一帶水田尚可施桔槔之功半資灌溉之力而光商罔息信

荻音該州木
桔根也
桔槔音戛高
以機汲水也

士學八

請蠲練餉

卓崔堂

羅州等縣陂塘溝港澗水盡涸是水田已無望矣汝上等縣地
勢高亢多種雜糧今種藝愆期而雜糧又無望矣且汝俗每年
收刈二麥與秋禾相等今春二三月間雨暘不時麥多泥爛止
於半獲第可目前餬口安有倉廩收藏若商固光信一帶不種
二麥終歲之計全賴水田今遍野焦枯顆粒無望蕪之隣封邊
糴商賈不通人情洶洶萬難存濟十八年起運錢糧撥解滇南
兵餉羽檄飛催日凡數四有力之家尚可售其田產阜寒下戶
乃遂鬻及妻兒方竭蹶輸納謂可息肩閏七月廿四日又奉憲
檄為兵餉缺額等事遵照部文加徵練餉夫以兵餉急需行間

之庚癸頻呼固刻不可停然民瘼甚重葑屋之顛連無告尤急
當軫惻也今奉行伊始試為按數而徵二三殘黎救死不暇豈
能完糧勢必敲朴敲朴不已于是填委溝壑者有之轉徙四方
者有之甚且相聚為盜者有之蓋近時六霍之間餘孽未靖商
固金家寨衆興集諸處壤地相接倘不逞之徒乘機煽動以為
死饑寒死盜賊等死耳一旦依附揭竿弄兵此寔地方之隱憂
也職身任司牧自觀奇荒苟不顧百姓之死亡轉徙與夫去而
相聚為盜惟兵餉早完可以幸免忝罰所以自為則善矣其如
斯民之失所何故茲披瀝上陳為民請命即以抗

請蠲練餉

九

見堂

仕學大系 卷六 十 卓觀堂
旨處分○身○被○嚴○謹○有○所○不○恤○也○查○題○報○災○傷○成○例○秋○灾○不○過
九○月○各○州○縣○即○有○申○報○計○將○逾○限○且○本○年○粮○已○漸○完○無○可○請○蠲
惟○有○新○加○練○餉○見○在○奉○行○懇○祈○憲○臺○慈○鑒○俯○賜○具○題○汝○寧
一○府○警○免○今○歲○派○徵○少○紓○民○力○或○寬○之○來○歲○帶○徵○以○足○兵○餉○如
此○則○汝○民○共○有○更○生○之○慶○而○兵○士○亦○無○脫○中○之○虞○諒○亦○憲○仁○所
不○靳○也○

情詞迫切聲淚俱下真古名臣之議

○○○清嚴主僕

汝南太守金長真 諱陰人

案查順治十五年十一月內光山叛僕訛傳奉

旨○放○僕○糾○聚○黨○類○挾○刃○操○戈○逼○主○退○約○延○至○商○固○等○縣○群○起○效

先○幾○同○倡○亂○立○將○發○難○奸○民○嚴○懲○枷○示○旋○蒙○憲○示○禁○餘○叛○風○始

戢○但○致○叛○有○由○貴○防○其○漸○欲○以○懲○前○愆○後○端○在○拔○本○塞○源○安○全

之○道○所○宜○亟○籌○也○其○一○為○投○獻○之○僕○仕○宦○僮○僕○自○多○價○買○否○則

祖○父○遺○留○配○妻○蔡○父○主○僕○之○分○亦○自○昭○然○乃○有○犴○猾○之○徒○倚○附

聲○勢○委○身○投○獻○主○人○不○察○遂○爾○收○留○然○究○其○投○獻○之○由○或○為○詿

事○求○勝○而○欲○人○畏○我○上○風○或○恐○故○主○追○求○而○使○其○不○敢○過○問○或

任學... 緣奸盜犯科而恃為護身之符或苦地糧重累而藉為影射之地欺詐種種主不能知一旦勢敗主為贅疣事變相乘不難掉臂以去此其所由致叛者一也其一為強占之僕汝屬有等豪蠹或結黨援或憑城社武斷鄉曲凌轍無知收納衣食無依誘致逋亡失業一入其家如投陷阱即育有子女每當婚嫁大則奪其聘財小亦受其勸賀間有不堪他處則必構黨捏券鳴官驗契當事亦莫能辨迨至斷歸原主而終無脫身之日矣此其所由致叛者二也其一為僱工之僕汝俗有所謂年限女婿者原屬僱工配以婢女年限力作限滿聽歸原與奴僕不同奈往

往工役已滿仍行羈縻或挈婦言歸輒指為逃僕展轉與訟至妻子盡鬻子然一身而訟猶不止其情何堪此其所由致叛者三也其一為佃田之僕夫佃戶領田輸租又與僱工不同乃汝俗亦稱為佃僕肆行役使過索租課甚有呼其婦女服役佃戶不敢不從者且有佃戶死亡欺其無人嫁賣妻子併收完資占以為利者更有一等親屬佃田查諸律例云佃戶見佃主並行以少事長之禮若親屬則不拘主佃止行親屬禮是親屬佃種又與佃戶不同今甲昭然况以奴隸畜之紊亂倫常乎此其所由致叛者四也蓋投獻由于趨勢自易離心強占出于畏威

清嚴主僕 十一 卓見堂

九易解體雖奉禁飭恐未盡遵若雇工佃戶原為力役之人豈同臧獲之輩緊行凌虐大非人情職以為役使奴僕惟有償買一着人自浼首傾心願為終身執役即有愚頑不率主教出其賣契治以官法彼自帖然豈復有噪集恣睢者哉伏乞憲鑒嚴行禁飭無論紳衿庶民此後置買奴僕請將文契即赴該州縣用印存照

事若環務不嚴便成亂萌條分縷晰上下皆應帖然

○○○人

驗禁委佐領詳

南昌司理

李少文

江陰人

為人命全憑初驗委官多至徇私乞賜申飭州邑正官必躬必速人鬼兩無冤赦事竊照人命大獄終始論傷真則有死法否則有生法纒頸仰藥投河圖賴有不坐法以省惡俗之輕生又有反坐法以儆借屍之徒注正籍明察長吏無委貸以啟混淆之端勿紆緩以滋蔓害之局金科不真鉄案斯成乃州邑正官每以厭穢悻煩人命初告不即躬行相驗輒委之丞簿尉巡此輩鮮知自愛妄謂堂官青目委驗一節必其河潤裁者丞責賂權被犯不盈不厭一特衙胥伴作之流亦群起而需索之與

屍未入于官目而被告身家已幾殆盡矣及臨驗時仵作之
口委吏之手如傀儡登場上下相承以覆或埋沒真傷混稱發
變不言分寸槩稱嚴死又或雜報青黑作服毒之左證或捏痕
八字為自盡之辯端至如縊死與被勒有別溺死與拋屍有別
自刎與被殺有別生焚與燬屍有別諸如此類未易更僕使杜
初驗不為冤明日以皮消肉化簡時先無的據何況衙官法為
賄奪而增減有無勢所必至耶比堂官據以上申即批行夏簡
仵作堅護初報依樣葫蘆致起開辯實奚駁不休途斃獄吏接
踵而是則皆初驗弗躬階之屬也職以為人今初起併宜量地

遠近在一二里內者正官即帶吏仵急往親驗毋使死喪即
遠在百里內外者亦限三日內昇至親驗其時目手足金刃傷
痕犯證悉書於初報中必真情纖悉莫遁而後始通詳斷不宜
假手佐領若重行簡視亦當面驗枯骨以決前件有無差訛庶
殺人者無勿償重泉之目可瞑誣罔者無濫入肺石之立可空
仰佐上臺之祥德即嘉師永賴矣
獄貴初情一言已盡况命盜案板葛藤無已此初驗之應
其難其慎也佐戴之委其可濫乎

○ ○ ○ 考察事

伍之甲以明經而除別駕固知愛鼎一珠營糧已桂幽黜之條

難道科款之律但列款多端間涉風影如漕糧改斛葛第洪恣

已擬徒人命納賄鄧鄭九堅稱未有受雜職之餽濫委催徵無

顯證也婪盜賊之金輕為釋放無明供也三審之口不移曰知

之心久矣則亦無憑懸坐矣其查追稅契而乾沒銀若干給散

工食而抽扣銀若干云云前招已成確案至於捕盜其職掌也

父為盜而用子為捕不行覺察先已教孫升木矣又何怪衆役

之橫筮無忌乎方今憲裁霜斷極意安民頌墨吏之法不嚴則

南昌李少文江寧

養生之寬莫白○今之甲身為郡佐兼攝邑符○不惜萬姓之膏脂○用填一人之窟壑○兵既讜而民復擾○殊無父母之慈○出則縮而○入乃盈○尚愧有司之吝○况任奸胥以助虐○易關石以徇私○衣冠○共羞簞簋全裂○所當與捕役某上等○分別徒杖○如數寃追不容○稍貸者也○

愛審洋江首地○瘠俗刁瘠○則襟提而肘見○刀則賄入而舌出○官○茲土者○即行同○驕踞而牛蹄之涇○無尺之鯉也○明矣○伍之甲貪○人也○然未有○恭釣上山○揭斧入淵○能快然飽其所欲者○也○祇緣○鷄卵之饒○不避嫌疑○遂令鷺目之錢○若為窺視○職估已定○追擬

何辭若謂尚有溢數○是以一年而蕪數年之徵○雖欲取之○其誰○與之朝廷懲貪○雖峻論辟宜○平有者不敢曲庇○為無上期以伸○一人之法○無者必欲周內為有○下何以服本犯之心○前斷業已○盡辜研鞠○委難重坐○惟豐城縣戶書黃堂乘九坊倉頭苟第洪○等改解事○發每坊各詐銀五兩○前止於五兩○遂有四十兩之剩○駐必極訊○而始承徵憲駁之○無漏矣○他若隸役下走○如饅虎飢○鷹逢人則鬪○情殊足恨○然追駐擬配律止矣○繫獄者○或肌膚之○糜爛波連者○亦皮骨之空存○窮究不過錙銖比○併必須性命安○見河水之少○而泣以益之者乎○合照原案申詳

士學人集
卷六 考察事

前識盡美後識盡善然不列前識不知後識之原委故並錄之

覆議幫貼長行

韶州洪谷一歙縣人

看得粵東孤懸天末地值邊衝兵馬往來歲無虛日而韶之曲

江英德權之保昌始興則地居上流尤為西廣咽喉不但生於

地者疲於供億有身家莫保之憂即官斯地者亦苦於撐持有

我躬不恤之歎故前曲江始興保昌三令相繼自盡去年八月

早職蒞任目擊時艱曾條幫貼夫船長行之議業蒙批行酌議

矣後保昌白知縣自縊又蒙慶院檄行有大吏亦當蒿目而籌

之諭早職遵奉又有覆詳幫貼之呈矣今部議有鄰邑協濟之

語各憲又有處窮當變之批莫不洞悉苦情思為拯救職敢不

仁學大書 卷六 履議 卅七 卓觀堂

蔡○竭○一○得○以○備○採○擇○謹○將○明○問○所○及○一○一○陳○之○夫○兩○粵○尚○在○用○
兵○一○切○夫○船○自○當○隨○到○隨○應○此○征○調○之○難○停○者○也○國○家○一○歲○
經○費○入○不○符○出○正○供○稍○缺○三○軍○必○致○枵○腹○故○縣○官○之○考○成○視○錢○
粮○之○完○欠○此○催○徵○之○難○停○者○也○然○夫○船○供○應○又○索○馬○匹○稟○給○有○
額○又○索○折○乾○鞭○笞○百○姓○呵○叱○縣○官○差○役○之○費○數○倍○正○供○富○者○貧○
而○貧○者○逃○追○比○無○施○輸○將○誰○辦○此○可○不○議○革○乎○傳○銀○除○火○牌○勘○
合○兩○藩○令○牌○之○外○部○議○不○准○開○銷○矣○然○當○此○軍○興○孔○亟○之○時○粮○
草○火○藥○軍○器○馬○匹○何○項○不○關○國○計○又○三○院○牌○票○取○辦○官○差○船○
隻○皆○係○重○大○公○務○何○項○不○宜○供○應○今○皆○無○米○難○炊○而○傳○銀○反○留○

餘○羨○貽○累○官○民○寔○與○立○傳○之○意○相○左○竊○謂○部○文○紙○牌○不○准○開○銷○
者○為○腹○裏○無○事○之○地○各○衙○門○差○役○橫○取○侵○冒○者○言○也○今○粵○東○何○
地○難○與○腹○裏○並○論○此○存○留○傳○銀○所○當○疏○請○動○支○者○也○又○查○經○畧○
部○院○凡○發○運○各○官○兵○粮○米○夫○船○脚○費○俱○得○動○支○正○餉○今○粵○東○多○
事○不○減○湖○南○里○後○解○運○水○脚○例○皆○累○斃○故○里○長○一○當○解○役○必○致○
破○產○傾○家○不○驅○而○之○死○則○驅○而○之○盜○為○民○牧○者○愛○民○有○心○而○點○
金○無○術○繪○圖○有○手○而○叩○關○無○門○不○得○不○坐○視○其○死○而○莫○之○救○此○
解○運○脚○費○所○當○援○例○疏○請○者○也○至○若○保○始○曲○英○等○邑○地○當○孔○道○
供○應○之○苦○無○所○逃○其○責○矣○然○四○縣○不○幸○地○當○其○衝○固○不○能○卸○其○

上學大書 卷六 履議 卅七 卓觀堂

仁學大集
苦於人各縣幸而地居其僻忍不量分其責於已今查曲江各
縣協濟仁化若干翁源若干乳源若干樂昌若干英德協濟止
乳源貼銀若干此舊例也今曲江平圍濠瀆二驛裁併芙蓉英
德清溪一驛裁併浚陽矣驛連雖裁站銀難減當此之時供應
數倍往昔合宜酌量加增以濟二縣之窮此鄰邑協濟之當議
也錢糧不許借支那移此亦腹裏無事之地則可若邊方差務
殷繁羽書猝至那此應彼勢所必然今欲坐此加罪縣官譬人
方有燃者之急而責其待救西江必無濟矣但責其事後追補
查其有無侵冒倘果逃亡拖欠亦真量准開銷庶官無捉襟露

肘之憂民免敲骨剥膚之慘此本縣協濟之當議也至若差使
索勒夫船頭站一到家丁四出官民交累雞犬不寧幸而庫藏
有銀那支目前猶可應去不幸庫銀告匱兌焯一逞箕楚立加
宰復能顧身家留性命子欲救此弊舍幫貼長行之策其道無
由矣卑職業已一詳再詳不敢再瀆然此事猶費推敲者有二
一云保昌無船必須各縣造船解彼供應也一在貼無定額多
寡之數不均也今按廣雄二府乃通省商賈船隻湊集之處從
來驛遞船少多係催募應差但在平其價值無不踴躍趨事即
廣雄二府差船亦可回頭催募彼此接應若令三縣造船聚之

一縣河下相接雲集差使勢必求多驛遞反致騷擾不惟無益而適有害且有造船脩船之費有管船工食僱倩之費頭緒多端愈覺煩碎惟源源協濟則何事不可幹辦故職謂驛船當供應而差船不必另造也至若幫貼站銀以應火牌勘合則照傳道併七留三之額幫貼膳夫以應紙牌各差則照各縣現行計站支銀之例以保昌一季答應夫船之數計之則各縣該幫之數可定矣合傳銀膳夫供應之數共計之則公貼私貼之數可定矣傳銀則先期解赴船隻則臨期催募水手則照站給工多寡則季終核算聽當事之伸縮不旁議以阻撓憲諭所謂合二

府之物力以濟一路之衝煩端在此也然持議者猶有萃苦于雄之說又不得不割之夫差使之臨上由保昌下自南海從未有無船而越雄飛渡至韶者亦未有中道至韶而空船上水回雄者其經過各縣不過執沿途應船之牌以為索勒折乾之具耳是保昌南海二縣幫貼長行之法行供應之船不加多幫貼長行之法不行供應之船不加少蓋雄原有必不能辭之苦非移韶之苦以累雄也是在官此地者共切同舟持斯議者勿為築舍則可行矣且縣丞一官原為佐理縣令而設也縣官不能分身以應今議傳銀夫價專責縣丞督催催夫備船仍令驛

官○管○理○經○收○出○入○則○委○戎○廳○專○司○稽○察○以○杜○漏○冒○庶○各○效○任○使
諸○事○克○舉○矣○抑○卑○職○猶○有○說○焉○煩○簡○當○權○人○地○今○後○保○昌○始○興
曲○江○諸○邑○須○遴○選○才○能○以○肩○斯○任○庶○幾○纒○短○無○汲○深○之○虞○而○利
器○有○盤○根○之○試○此○調○繁○調○簡○所○當○查○例○疏○請○者○也○云○云
一○節○之○論○全○體○俱○靈○洛○陽○諸○策○不○得○專○毀○十○前

○議○豁○屯○逋

為○屯○糧○積○逋○甚○衆○屯○丁○血○比○難○完○謹○陳○正○徵○帶○徵○之○法○并○議○應

酌○應○減○之○數○懇○賜○裁○奪○以○通○屯○政○之○窮○以○足○將○來○之○額○事○看○得

屯○糧○之○誤○原○為○贍○軍○按○月○給○支○豈○容○拖○欠○然○必○歷○年○無○拖○欠○之

數○而○後○本○年○之○正○額○得○清○今○本○年○之○正○額○不○清○皆○溯○牽○於○歷○年

拖○欠○之○數○遂○至○頭○緒○繁○多○追○呼○不○應○鞭○朴○愈○急○而○輸○將○愈○緩○未

有○其○於○韶○屬○之○屯○糧○者○也○韶○州○土○地○既○薄○異○於○他○府○他○府○屯○田

每○分○歲○收○穀○三○四○十○石○韶○屯○每○分○不○過○二○十○餘○石○一○遇○荒○旱○缺

額○尤○多○此○其○地○之○難○徵○者○一○也○韶○地○環○山○疊○嶂○山○賊○盤○踞○者○多

仕學大... 逋糧被拘輒行逃匿其而竄入賊巢長往不返此其人之難徵者一也况田瘠賦重本年正徵尚恐虧額今積五年每一屯甲積欠百金每逢一比所納止論錢兩彼明知五年積欠完多亦欠完少亦欠力難湊數情甘一欠責止之外法無可加上下相難相欺下之力窮即上之法亦窮矣此其之難徵者一也職奉憲檄委催節年拖欠親行比較諸屯丁菜色鶉衣呼號捨地皆謂屯丁十倍民賦查明季屯糧每分本折米六石共折徵銀二兩二錢今徵本米一石外又納折銀四兩兩落於前九十兩年荒旱無收逃亡相繼前曾具控兩院懇密在案無不疾首感額

額求蠲免職以屯糧關係軍糈豈容告減隨牌行談屯官及嚴示屯丁將歷年拖欠完納并本年本折嚴比外但思歷年之拖欠如彼屯丁之困苦又如此若不設法為之變通併五年之欠作一歲之徵將見徵比日急逃亡既多佃種益寡佃種既寡缺額益甚缺額既甚軍糈益乏究竟法不能加而屯政不知所結局矣職再四思維屯糧之正額決不可緩而屯糧之缺額猶可暫寬本年之本折必欲全完而歷年之拖欠稍為酌減不揣謬為窮丁請命仰懇憲慈詳允將今年額收之糧勒限開比以作十三年之正徵其八年至十二年拖欠之數候憲量為酌減附

議豁屯糧

任學大業
於正額之外每年量定分數以作帶徵在公家不過豁紙上之
震數每年徵之田畝者固未嘗少寬在窮丁則戴蠲減之隆施
力之所能輸納者必極其踴躍文告優於鞭朴撫字行於催科
美蓋前之荒歉者既行酌減積逋者量為豁除則此後所徵所
納皆係正額力田者按額而輸督徵者依限而比頑丁不得藉
口以拖欠官舍不得設法以混侵庶從前之積逋一清以後之
徵比及額屯政始可得而綜核矣
不虧國而能惠民是仁術亦是神術
原始要終洋洋纒纒是大經濟作手

○ ○ ○ 詳免提解

韶州洪谷一飲縣人

人命搶劫錢債田產虛辭聳聽者甚多應諒本處有司審究明
白今省下人告欠債搶餉人命強盜皆因本處有司不如其意
越訴於上提解牌內人犯定四五十名稍遲差官催提釜魚几
向民未至省已傾家破產外亡大半矣至省隔別人犯私禁拷
打倒提年月勒欠帖寫服辨方許帶到及堂官會審即執欠帖
服辯為據監追認罪無辭家屬解斃者逃亡者株累傾
家者無所告訴亦甚寬矣且粵地民徭雜處倚山靠岡喜則為
人怒則為獸最難勾攝一聞提解如置死地雖諭以上人德意

卷下 詳免提解

彼○皆○視○為○讐○仇○急○而○走○險○率○入○盜○穴○提○解○催○追○比○差○比○保○真○里
呼○隣○騷○擾○地○方○雞○犬○不○寧○况○粵○烟○瘴○地○面○提○解○人○犯○愁○苦○內○傷
寒○熱○外○感○饑○飽○不○時○動○犯○瘴○癘○中○途○病○故○不○可○勝○數○伏○乞○批○行
司○道○酌○議○凡○奉○藩○院○批○詞○轉○發○本○處○有○司○審○究○詳○啟○批○奪○盡○免
提○解○至○各○府○詞○狀○不○批○隔○府○即○行○該○府○有○司○就○近○審○結○如○有○重
情○駁○審○摘○解○緊○犯○三○四○名○不○必○多○拘○噫○解○累○少○豁○民○寃○得○伸○而
無○株○連○騷○擾○之○患○矣○

提○解○至○四○五○十○名○亦○一○奇○事○言○之○傷○心○聽○之○酸○鼻○慄○陳
言○不○禁○其○詞○之○切○也○

○勦○除○山○寇

古○今○治○賊○之○法○勦○與○撫○二○者○而○已○職○厥○渠

首○者○必○誅○而○餘○黨○方○貫○也○既○往○不○咎○成○與

猶○准○悔○禍○既○撫○之○後○再○犯○必○誅○也○今○龍○從○長○寧○數○縣○山○賊○嘯○聚

至○今○不○可○謂○不○久○矣○焚○寨○破○圍○捉○人○勒○贖○不○可○謂○不○慘○矣○盤○踞

地○方○結○連○營○寨○不○可○謂○不○多○矣○屢○勤○進○勦○公○然○負○固○不○可○謂○不

逆○矣○此○皆○法○在○必○誅○不○俟○再○計○者○然○旋○撲○旋○起○旋○散○旋○聚○其○故

有○三○一○在○地○形○之○失○險○也○各○縣○賊○窠○皆○深○山○大○澤○綿○亘○數○百○里

險○阻○可○恃○兵○至○則○四○散○奔○竄○追○覓○無○踪○兵○撤○則○勾○黨○復○聚○又○行

勦○除○山○寇

龍州 洪谷 一縣

魁脅從罔治此則為

維新此則未撫之先

長寧數縣山賊嘯聚

不可謂不慘矣盤踞

公然負固不可謂不

然負固不可謂不

綿亘數百里

勾黨復聚又行

任○學○州○乘○
劫○掠○此○其○逋○誅○者○一○一○在○藏○身○之○巧○庇○也○紅○頭○白○頭○等○賊○皆○龍○
從○長○寧○數○縣○之○民○身○隸○版○籍○戶○納○稅○糧○與○竄○山○嘯○聚○者○不○同○故○
在○本○縣○則○為○民○而○在○他○邑○則○為○賊○且○其○聚○族○而○居○者○皆○為○賊○黨○
比○閭○而○處○者○俱○屬○賊○富○官○府○稽○查○則○回○甘○結○者○是○賊○逋○公○呈○者○
是○賊○而○具○領○狀○者○亦○無○不○是○賊○縣○官○幸○境○內○之○無○事○即○苟○且○塞○
責○以○回○文○而○違○計○他○邑○之○人○民○他○邑○之○廬○舍○乎○此○其○逋○誅○者○一○
及○賊○首○共○指○賊○巢○搜○索○此○則○法○在○必○誅○無○可○赦○者○乃○又○以○招○撫○
二○字○為○護○身○之○符○不○但○不○誅○反○從○而○受○賞○賊○黨○尚○何○所○顧○忌○而○
肯○革○心○以○其○逋○誅○者○三○至○若○諸○賊○屯○聚○之○巢○屢○據○地○方○開○報○及○

賊○黨○口○供○其○某○等○處○或○為○接○濟○之○所○或○為○勒○贖○之○窩○所○當○分○別○
進○勤○以○靖○根○株○者○也○至○若○賊○首○著○名○屢○經○揭○報○如○某○等○或○以○
投○順○而○仍○做○賊○或○陽○就○撫○而○陰○行○劫○所○當○嚴○行○搜○緝○梟○斬○以○快○
人○心○者○也○至○若○官○兵○從○入○之○路○翁○源○已○備○列○情○形○而○小○民○受○撫○
之○害○英○德○已○畧○為○陳○籲○此○在○專○閫○確○詢○地○形○當○機○決○策○或○先○攻○
其○所○難○則○餘○壘○自○下○或○先○破○其○所○恃○則○賊○勢○自○傾○倘○有○賊○巢○當○
搗○賊○黨○當○誅○者○該○縣○印○官○猶○為○庇○護○須○責○取○印○結○存○案○倘○班○師○
之○後○賊○黨○復○出○行○劫○則○坐○以○縱○賊○殃○民○之○罪○庶○不○致○庇○本○邑○之○
賊○而○害○他○邑○之○民○其○賊○首○有○曾○經○投○順○未○有○顯○叛○之○跡○者○謂○之○

勦除山寇

軍前編入行伍使離本巢庶不致陽借投順陰行盜劫而善後
 之策庶幾可講矣夫好生者上臺之盛心招撫者行軍之善
 道而職必以勦之說進者蓋誠有見於此賊之狼心不改厲
 眼猶存固非撫之一字所能結局者也不然作賊只有利而無
 害賊何憚而不為賊良民只有死而無生民亦何苦而復為民
 早職月擊難民之慘不禁憤切伏乞云云

先儒王文成謂撫可偶行不可屢試以原本其論而言之
 透徹瞭如指掌

請建倉所

杭州司李紀子湘文安

為酌議速建官倉以慎大獄以重民命事切照在官人犯罪有
 輕重之分則禁有監倉之別此定制也凡人命強盜成招定辟
 者始加鎖枷繫入監獄候

旨處分至在欽案憲案者或未經訊鞠慮其疎虞或已定招
 詳罪涉疑似者例應費倉羈候今本府并仁錢二縣有監而無
 倉囚犯不論輕重槩繫于此省會重地獄訟繁多每月稽查監
 簿不下千人無論穢氣薰蒸易生災疫不台有罪無辜均化獄
 燐已屬可憫且以人類膏肓則奸究易生啟閉無時則疎虞難

料○常有○輕○犯○入○監○即○為○重○囚○之○線○索○傳○消○遞○息○使○之○詐○富○板○良○
賣○官○擾○民○半○由○于○此○又○有○重○囚○冒○輕○犯○之○名○或○竊○換○衣○帽○乘○獄○
卒○之○不○備○混○跡○越○監○而○去○者○獎○賞○無○窮○職○總○總○慮○之○查○得○錢○塘○
縣○地○方○原○有○舊○倉○基○址○向○因○倒○壞○遂○成○丘○墟○今○本○廳○會○同○本○府○
及○各○廳○縣○捐○俸○修○建○各○行○錢○塘○縣○查○明○舊○址○建○房○築○牆○應○費○工○
匠○木○植○磚○瓦○若○干○估○明○報○廳○以○憑○申○詳○上○臺○即○日○興○工○告○竣○
去○後○今○據○慕○知○縣○具○詳○前○因○到○廳○理○合○通○詳○憲○臺○祈○為○酌○奪○
施○行○

思○慮○豫○防○公○羈○垂○久○此○不○朽○之○績○也○

○清○結○積○案

為○大○獄○之○積○案○宜○結○各○屬○之○責○守○宜○均○懇○立○成○規○以○免○違○悞○事○

杭州紀子湘文安

浙○省○訟○獄○繁○多○除○大○辟○以○下○者○弗○論○如○人○命○強○盜○諸○重○情○其○間○
屢○駁○而○未○題○及○已○題○而○未○允○者○常○有○數○百○件○司○府○縣○獄○所○繫○者○
不○下○千○餘○人○職○為○刑○官○七○載○經○手○訊○問○者○亦○難○更○僕○數○矣○每○于○
披○卷○沉○吟○之○際○未○常○不○惻○然○動○念○而○嘆○應○死○者○固○多○不○應○死○而○
死○者○亦○不○少○也○考○其○犯○罪○之○時○多○則○七○八○年○少○則○四○五○年○不○等○
其○間○承○問○之○官○由○院○司○而○至○府○廳○不○知○歷○幾○十○輩○矣○案○日○久○則○
情○日○變○情○日○變○則○招○日○更○往○往○重○犯○未○正○典○刑○而○干○證○被○害○反○

何○學○大○案○
拖○累○致○死○者○質○証○無○口○則○展○辯○得○以○自○由○問○官○屢○更○即○口○供○亦○
難○畫○一○令○判○斷○者○何○從○下○手○且○因○獄○少○犯○衆○穢○氣○薰○蒸○釀○成○瘟○
疫○庚○斃○甚○多○即○係○真○盜○真○兇○不○令○死○于○法○兩○死○于○獄○亦○失○明○刑○
真○獄○之○初○意○况○多○疑○似○而○可○矜○者○乎○其○所○以○歷○年○既○久○而○不○結○
者○良○亦○有○故○蓋○以○從○來○大○獄○必○待○題○允○之○日○方○是○結○案○之○時○各○
憲○以○重○獄○繁○多○不○能○一○題○而○盡○每○疏○不○過○二○三○十○起○餘○盡○駁○司○
覆○審○以○俟○再○題○司○為○承○上○接○下○之○官○勢○必○轉○批○府○廳○府○廳○或○因○
事○從○縣○起○又○必○行○縣○覆○查○根○據○展○轉○羈○留○欲○其○不○致○經○年○累○繫○
不○可○得○也○其○間○且○有○干○証○事○主○累○斃○質○証○無○人○不○能○定○案○者○有○

因○年○遠○勢○殊○前○官○所○審○之○口○供○與○後○官○不○對○不○能○成○招○者○又○有○
証○佐○被○害○施○累○日○久○精○疲○力○竭○止○求○免○禍○不○願○復○讐○自○改○其○口○
反○為○重○囚○出○脫○者○種○種○情○弊○皆○是○羈○延○時○日○之○由○沉○攔○憲○案○之○
故○若○非○究○根○尋○源○立○法○更○始○則○新○舊○相○因○大○案○焉○得○有○清○楚○之○
時○而○罔○罔○犴○犴○焉○得○有○空○虛○之○日○乎○更○有○請○者○從○來○十○一○府○之○
大○案○勢○必○盡○歸○本○司○而○大○案○中○有○名○重○犯○亦○必○隨○招○禁○于○司○獄○
房○舍○有○數○而○人○犯○無○窮○每○入○其○中○見○此○輩○嘈○嘈○雜○雜○蜂○聚○蟻○屯○
覺○世○間○囚○犯○多○而○人○民○少○殊○不○知○為○各○府○各○縣○之○重○囚○非○一○州○
一○邑○之○罪○犯○也○查○各○省○通○例○其○府○盜○情○人○命○必○責○本○處○道○府○廳○

任學大業
卷六
清結積案
九
卓魯堂

縣訊鞠成招人犯即監本府或有招情未協亦必在初審兩月之內駁訊明確其時証現現在詞內之人一呼可集不特真偽易分亦且不費時日只將解府解廳解司解院途間奔走之日期便可歸結此案况有差役拘提吏胥捺攔有呼不應欲審無由之歲月乎直待大案將定始駁本司衙門一加平反定案之後仍將本犯發回本處監禁招情若無疑竇即准具題若是即有疑難重獄未嘗不于一年之內定擬發落者也豈有延至數年之後而尚煩批駁者乎以數年後之批駁而欲責承問之吏必得數年以前之確情寔非易事雖曰不寬吾不信也伏乞

憲臺俯採末論著為成規並將已前未結諸大獄刻日會同司道府廳逐案研核務求明允不致以後再駁肅清既往始可整頓將來此卑職仰體憲臺慎獄祥刑之至意而從長計畫以求無弊者也伏望採擇施行
反覆勘駁固屬詳慎哀矜古人執丹不下即此意也然迹其殺越于貨拳勇格人之慘噫亦晚矣矧出押者趾相錯乎貽譽接踵則防微杜漸在火山之繇

卷六
清結積案
九
卓魯堂

○ ○ 慎初招嚴覆審

衢州李孫沂水常熟人

為○讞○決○匪○輕○謹○陳○膚○見○慎○初○情○慎○覆○審○以○仰○佐○明○允○事○照○得○易

無○留○獄○明○慎○為○先○書○著○祥○刑○簡○字○乃○聽○惟○一○成○而○不○可○變○故○三

刺○以○斷○民○中○誠○重○之○也○查○律○載○大○辟○二○百○四○十○一○條○罷○民○易○犯

者○無○如○盜○賊○人○命○竊○見○爰○書○中○人○命○以○下○手○不○真○致○滋○辨○竇○或

數○人○毆○一○人○輒○藉○在○逃○者○互○相○委○卸○究○竟○有○脱○抵○之○元○兇○矣○盜

賊○以○贓○物○未○的○致○礙○成○招○或○一○案○掛○多○人○輒○因○無○主○者○更○肆○罔

誣○展○轉○多○橫○生○之○藤○蔓○矣○凡○此○總○由○初○情○之○茫○昧○耳○夫○初○情○何

在○則○人○犯○甫○到○官○造○次○之○頃○安○排○不○及○三○尺○臨○之○尚○爾○知○畏○察

慎初招嚴

卓觀堂

詞於差庶得其真若一繫罔罔狡智百出淹延日久變態日生
 甚至後讞與前讞絕不相蒙雖欲為五穀之聽其可得乎竊以
 為人命初報即審定其係下手其係加功其係餘人其係見證
 或手足或器仗一一確註由詳中不得空請簡驗也強盜初獲
 即迅起贓物幾件令失主認明其人盜其家現獲其贓經其失
 主認領一一確註由詳中不得空列姓名也初申有據則歷訊
 難移此後之紛收永息矣至駁審一節上臺原為死生嚴出入
 也乃問官不免泄泄一經批駁沉閣多年設皆重辟即更死無
 辭乃一招之中有徒有杖以正紀未結每致餘犯監斃干和訊

甚即令保候而數數勾提頻頻解審其磨累已徹骨矣職以為
 駁問招詳宜勒限審結如情輕罪犯應配杖鞠問允乎果與
 正犯無關者先行摘發其大辟不妨另招報奪庶分輕重之衡
 以明上下之服株連可省所全者不既多乎益謹於始則疑獄
 不生斷於終則滯獄一流是亦救訟之大端也伏祈憲俞申飭
 俾各屬一體奉行將寬監清而貫索無非息造矣
 兩議最為清贖要論至重辟更死無詞餘犯監斃傷和一
 段尤為懇切

慎初招嚴

卓薇堂

仁學大集 卷六 法弊速結 五 車見堂

○ ○ ○ 祛弊速結 司金華張雲方武進人

本廳為庶獄受成之地貴速不貴淹貴靜不貴擾貴平易不貴

刺深乃西造有經年不就質者豈盡百姓之抗頑亦由立法之

未善一遭纏累動輒傾家不免畏途視之矣衙門積弊不過差

後房科本廳有犯必懲差役寧敢行其恐嚇無柄可假房科安

所用其舞文但以輩嗜利如飴腎不畏死小民無知輕聽或仍

墮其術中今特明白曉諭差役奉行牌票每以擒緝為騙端本

廳勾攝人犯俱各屬起解未到者不用差拘已到者不須保候

彼如狼如虎之威將何憑以逞凡託採訪稟白皆斷斷必無之

法弊速結 五 車見堂

事爾輩勿信其愚弄也。房科承行事件每以緩急為詐局本廳
 督催文移酌定五日為期。雖欲速不能速之五日之先雖欲寢
 不能寢之五日之後彼如鬼如蛾之智亦何地可施凡託翻提
 沉閣皆斷斷必無之事。爾輩勿信其愚弄也。至招詳問擬隻字
 皆出親裁片言不關胥掾妄思打點事終無濟害且隨之迨至
 發覺追悔遲矣。從此原被入等勿復觀望蚤赴完銷返終凶為
 吉而化有事為無想亦爾百姓之樂從者
 語語切寔為民之誠。流出肺腑願力行何如耳
 渾厚精明始信為政不在多言願力行何如耳

台州王浴青景州人
 司李王浴青景州人

為殘疆亟宜備員重務實難兼理懇乞速委賢能以圖共濟時
 艱事切照卑職自去秋叨蒙憲委星馳受事爾時地方失守初
 經恢復其上崩瓦角之狀寔有不堪稱述者。閭巷絕無一人府
 廳絕無一員卑職以隻身料理危疆外勸投誠內招復業捐俸
 賣馬煮粥賑飢仍一面請兵置砲東芻備糧修城濬濠建柵開
 路凡係綢繆至計無不徹底經營以仰副各上臺委任至意兩
 閱月而百姓安堵始有署事之毛經歷前來又兩閱月而諸事
 就緒始有佐郡之徐同知蒞任前此拮据之苦與夫調度之艱

係卑職獨力支撐絕無旁委凡此皆竭誠供職之苦心亦砥礪
官○方○之○夙○志○也○業○蒙○各○上○臺○曲○鑒○微○勞○謬○加○獎○勸○卑○職○方○且○感
激○洪○慈○捐○糜○莫○報○尚○敢○作○諉○責○偷○安○之○計○哉○但○念○台○郡○交○亂○之
後○滿○漢○兵○馬○供○給○浩○繁○沿○海○寇○踪○時○告○警○目○今○修○葺○城○垣○尅
期○告○竣○鳩○工○庀○材○畧○刻○靡○暇○又○戰○船○亟○宜○修○造○沿○港○急○宜○椿○
六○屬○之○芻○糧○急○宜○徵○解○金○紹○之○協○濟○急○宜○催○呼○通○海○之○奸○民○急
宜○盤○詰○衛○所○之○城○壘○急○宜○督○修○此○即○分○會○董○治○併○力○經○營○猶○恐
露○肘○捉○襟○智○盡○能○索○乃○今○以○寥○二○員○兼○拜○百○千○萬○億○之○事
能○無○綆○短○汲○深○之○懼○哉○况○卑○職○以○積○勞○之○後○心○力○皆○枯○釀○成○篤

疾○痰○灼○肺○燃○寒○燠○交○作○屢○加○調○攝○未○見○痊○可○復○值○鹽○臺○按○臨○抱
疾○視○事○奔○趨○旬○日○更○覺○狼○狽○異○常○即○欲○仍○前○勉○強○支○撐○以○候○交
代○不○可○得○已○已○經○具○詳○署○台○道○李○驗○知○彝○體○不○耐○劇○勞○並○非○飾
詞○諉○卸○故○敢○具○詳○轉○請○且○卑○職○荷○蒙○各○憲○臺○越○格○裁○植○苟○可○勉
效○馳○驅○自○當○力○圖○報○稱○豈○肯○任○事○於○萬○難○措○手○之○日○而○反○卸○擔
於○儘○可○效○力○之○時○哉○定○以○炭○疆○重○務○在○在○須○人○知○府○一○郡○網○領
在○海○宇○承○平○之○日○尚○不○可○一○日○缺○員○矧○地○方○破○碎○之○餘○可○令○久
虛○正○署○新○守○雖○經○銓○補○迄○今○數○月○杳○無○到○任○之○期○員○少○事○繁○精
疲○力○竭○一○人○之○能○事○有○限○合○郡○之○公○務○無○窮○一○人○之○身○家○甚○輕

署府求代
卓親堂

半壁之封疆○寔重○必早借材於鄰郡○始可奏效于目前○伏冀
憲臺速委賢能○專攝府事○更擇佐領諸職○分督芻糧○使卑職得
專理刑名○庶廣集眾思○而危疆可理○各專職守○而業勝無憂矣○
一篇大家古文○不意于簿書中得之○
情文俱生○疏宕中步○上緊湊是嗜古而得其神者○

○○○詳明捐賑

司李王浴青景州人

為詳明捐賑事○台郡連歲饑荒○民不堪命○又加海逆兩番蹂躪○
民間膏血盡枯○廬舍成灰○求為四壁蕭然○而不可得○以致父子
化倚○夫妻夫散○伶仃哀苦○號泣於道路者○接踵而是○職目擊心
傷○救援無策○且當此嚴冬○泛寒饑不足而繼之凍○此必死之道○
也○况賊氛伊邇○能保其不走險○而為苟延旦夕之計○乎卑職叨
署府篆○不但情不能忍○亦且義不容辭○為今之計○蠲租固所不
免○然權其緩急○尚屬第二義○其最要而為續命之膏者○莫若賑
粥○一事所苦○俸錢無幾○勸助甚難○若不以身先之○雖大聲疾呼○

誰為響應。查到任以來，有未領俸銀四十五兩，心紅紙札銀二
十兩，又自帶乘馬九匹，變價二百五十兩，已一面差人前赴產
米地方，照依時價購糶。擬於次月初一日為始，在郡城之外東
湖亭及教場等處煮粥賑饑。至明年麥秋告止，費或不繼，再行
措處。倘有官民樂助者，多寡不拘，聽其自便。猶恐饑民衆多，男
婦雜處，未便且慮擠傷老幼殘疾之人。今酌分四處，每處揆練
達者老二名，勒謹衙役四名，家丁二名，管攝薪米分頭起爨。日
給二餐，躬親驗視。內有赤身肌粟者，量買舊衣分給之。總以救
民於未死為

朝廷留意萬年徵輸之地，且以收拾人心，預弭禍亂。至日前被
劫時，殺死屍骸，暴露未殮者甚多，俱經差役遍行收殮。更慮開
賑之後，四方饑民輻集，恐致不虞。今議將府廳縣衙各役及練
就鄉勇，內每門選用十人，監守稽察，異言異服之人，凡鄉音不
對者，不許放入。庶內無等死之憂，外絕萑苻之患。第事關地方
上廛，憲臺思慮理合，詳明稍舒蒿目之憂云爾。

賑名甚美，人人市之，但至註助人人，斬之。若不以身先焉，
大報疾呼，寔應且憎。悉索以舉今之，子遺俱公之全活也。

覆桐廬屯米詳

嚴州侯筠菴諱良翰
司李

竊○惟○貢○賦○之○制○地○因○其○產○輸○隨○其○方○則○事○逸○而○民○安○若○違○情○逆○
勢○不○恤○下○隱○而○徑○行○之○則○事○勞○而○民○不○安○如○桐○廬○縣○屯○米○舊○解

嚴○州○府○和○豐○倉○即○克○嚴○營○月○餉○近○藩○司○改○解○杭○城○而○以○紹○興○屯○
米○撥○補○嚴○營○酌○緩○濟○急○移○以○足○彼○主○籌○者○當○有○成○策○以○職○揆○之

竊○有○所○為○未○確○者○蓋○桐○廬○屯○米○與○紹○興○屯○米○其○為○公○家○儲○糈○一○
也○給○放○嚴○營○與○給○放○杭○營○其○為○支○養○行○伍○亦○一○也○然○桐○屯○解○輸

嚴○郡○朝○發○而○夕○至○朝○報○而○夕○收○于○民○甚○便○嚴○卒○朝○請○而○夕○領○夕○
領○而○朝○餐○于○兵○復○甚○便○今○移○解○杭○倉○在○民○則○有○起○運○守○免○轉○批

任○鑿○如○乘○
掣○銷○之○苦○而○他○弊○或○潛○以○生○兵○則○有○遠○涉○候○領○僱○舟○置○袋○之○勞○
而○呼○庚○或○因○以○起○蓋○桐○人○與○嚴○倉○相○習○捆○載○而○輸○者○如○入○其○家○
執○閑○而○領○者○如○取○諸○寄○是○兵○民○而○獲○其○利○也○茲○以○移○之○枕○紹○人○
不○謀○而○勒○索○則○中○多○詐○欺○情○不○應○急○留○難○則○勢○莫○控○訴○是○兵○民○
而○受○其○害○也○乘○今○纂○造○亟○為○更○訂○不○過○一○轉○移○間○而○去○兩○害○就○
而○利○除○其○疾○首○頓○盛○之○悲○予○以○舉○手○加○額○之○慶○又○何○憚○而○不○為○
歲○伏○祈○察○照○舊○例○允○批○改○正○地○方○幸○甚○
因○地○隨○宜○善○卹○民○隱○條○晰○利○弊○可○垂○邑○乘○

○ ○ ○ 賑 餓 詳 文
台○州○除○阮○四○塞○腹○背○萬○山○憑○臨○大○海○十○日○旱○則○盡○室○呼○天○三○日○
雨○則○閣○門○沉○寃○蓋○罔○繼○不○及○布○其○心○巖○嶺○不○獲○特○其○崇○崩○洪○一○
下○盤○束○於○蟻○旋○螺○轉○之○區○泛○濫○於○石○殘○沙○壑○之○域○鳥○道○一○線○懸○
絕○繫○綆○以○上○下○者○水○至○成○河○自○蒼○嶺○以○東○由○天○台○而○南○並○無○湖○
浸○莫○築○隄○防○積○雨○之○浸○蛟○螭○為○患○海○立○波○飛○迴○瀾○一○瞬○洪○潮○驅○
從○所○以○台○苦○在○旱○而○澇○更○甚○於○旱○台○患○在○海○而○山○亦○同○於○海○每○
歲○不○論○豐○凶○大○豐○粟○不○能○出○大○稔○粟○不○能○入○一○遇○歉○年○蕪○穢○既○
盡○草○木○為○糧○其○甚○則○胥○土○為○粥○團○泥○為○飯○疾○病○隨○作○災○疫○流○行○

台州司理 蔣楚珍 金壇人

本○年○霖○雨○決○月○有○餘○山○深○谷○隱○陰○氣○盡○合○水○高○數○丈○浸○浸○樹○頭○
 街○巷○浸○深○田○疇○蕩○析○疫○延○數○邑○十○死○二○三○故○災○荒○與○各○郡○相○同○
 而○受○患○之○深○確○有○甚○於○他○郡○者○他○郡○田○連○阡○陌○台○皆○壘○石○為○味○
 穴○渠○為○碑○今○大○水○一○過○畔○地○渠○遷○埽○碑○盡○壞○他○郡○仰○給○外○藩○台○
 州○無○身○燕○車○壯○夫○疾○走○不○及○百○里○不○負○不○過○數○斗○商○販○四○絕○五○
 穀○不○通○他○郡○水○退○之○沒○或○種○晚○禾○台○地○氣○獨○早○六○月○接○新○一○失○
 其○時○無○種○可○續○他○郡○冠○紳○相○望○富○室○可○封○台○郡○宦○跡○寥○々○城○無○
 典○舖○村○無○穀○以○是○救○荒○之○策○易○窮○大○滂○之○餘○堪○憫○除○設○法○流○
 通○隨○時○拯○救○如○救○溺○施○藥○平○糶○請○倉○外○小○惠○弗○敷○為○濡○無○益○仰○

於○憲○行○軫○恤○大○沛○周○仁○庶○幾○幽○谷○春○回○於○煖○律○而○飢○民○命○續○於○
 鴻○施○矣○

雅○人○見○文○移○輒○擯○置○不○聞○言○其○信○也○請○看○此○等○文○移○俗○耶○
 否○耶○如○石○田○大○痴○之○筆○繪○鄭○俠○流○民○之○圖○足○一○幅○紀○奇○山○
 水○改○怨○雅○人○未○之○見○爾○

○○○申呈激變

汀州司李趙我唯餘杭人

軍館快役陳俊等與本府捕役葉美藍榮皆奉署府沈丞之票
 往寧催糧而藍榮之票倩同鄉方順代行夫青衣追乎但當畫
 行勾桿柰何角樓之銀漏沉而城下之狂呼烈也維時寧
 武多警魚鑰方嚴忽有使酒闖關者至令尹於是乎無怒詞矣
 迨葉美先奔俊順兩責而浚列名以報曰吾府役陳俊藍榮也
 寧令於是乎以門禁夜呼申文報館矣居無何而新寧蒞汀忽
 聞有諸軍索糧之帖揭諸通衢卑職欲消於未形即進汀南指
 揮劉霖而問之則曰荷戈之流特方散處摩肩僂語曾莫之見

學大...
 申詳激變
 四...

彼○匿○名○謗○帖○意○者○其○假○虎○而○駕○駁○者○耶○未○哉○而○寧○令○謁○守○將○出○
 大○門○則○洶○然○鼓○譟○矣○其○隨○從○輿○臺○或○身○負○毆○傷○或○抱○頭○驚○竄○致○
 河○陽○香○令○不○立○傍○徨○不○亦○僅○見○之○變○哉○維○時○觀○者○如○堵○職○等○聞○
 譏○急○出○嚴○諭○遍○索○其○人○則○覓○然○散○矣○迨○詢○之○門○皂○吳○松○而○後○知○
 陳○俊○方○順○葉○美○等○寔○為○禍○始○此○府○館○之○所○先○經○責○禁○者○也○後○株○
 之○輿○論○而○後○知○余○三○陳○憲○賴○魁○寔○為○助○陣○焉○此○卑○職○之○所○續○獲○
 禁○候○者○也○今○據○陳○俊○口○供○則○俊○與○順○寔○以○受○責○之○故○倡○首○報○怨○
 而○葉○美○陳○憲○及○白○從○余○三○皆○以○狐○兔○之○傷○同○毆○寧○後○雷○震○者○至○
 於○賴○魁○雖○未○助○力○乃○云○我○輩○規○矩○殊○不○可○壞○故○從○旁○鼓○舞○意○若○

輩○之○規○矩○不○可○壞○而○縣○令○規○矩○頗○可○壞○矣○要○之○于○今○初○不○知○俊○
 等○為○府○館○人○役○而○責○之○於○先○沈○丞○初○不○知○俊○等○有○報○怨○之○謀○而○
 治○之○於○後○兩○賢○豈○相○厄○哉○若○曰○軍○寔○為○之○則○不○獨○府○館○所○當○下○
 責○禁○者○無○之○即○陳○俊○等○之○口○供○亦○無○之○也○不○獨○指○樺○門○皂○而○目○
 擊○者○無○之○即○陳○憲○等○疊○之○訐○詞○亦○無○之○也○是○從○也○爭○始○於○下○
 其○流○及○上○民○控○無○迹○復○控○無○言○是○在○憲○恩○之○調○護○而○卑○賊○據○寔○
 詳○報○可○矢○天○日○不○敢○有○一○毫○偏○護○控○其○間○也○

察究事

先○審○得○府○役○陳○俊○等○之○報○怨○辱○令○也○以○上○下○兩○字○橫○亘○胸○中○而○

仕○學○大○業○
 目○以○決○上○下○之○防○者○也○當○陳○俊○方○順○手○極○郡○牌○昂○然○下○縣○其○目○
 中○固○已○氣○吞○雲○夢○矣○獨○不○曰○星○橫○午○夜○冰○追○呼○之○時○鳴○柝○山○城○
 冰○叫○薰○之○地○乎○况○寇○警○震○隣○嚴○闔○戒○肅○而○使○酒○排○闥○不○即○痛○懲○
 何○以○固○城○池○而○弭○奸○宄○此○門○禁○夜○呼○一○申○卑○賤○正○以○此○規○談○令○
 之○風○力○而○不○意○竟○以○此○櫻○若○曹○之○蜂○蟻○也○以○為○吾○上○役○也○乃○為○
 下○吏○所○撻○則○向○俊○之○威○損○矣○於○是○令○方○修○謁○而○俊○等○即○修○怨○曹○
 然○以○譁○者○俊○等○怒○也○灘○然○四○奔○者○縣○後○竄○也○漂○然○流○血○者○寧○役○
 雷○震○被○毆○也○子○然○延○佇○者○子○令○之○無○與○無○從○而○逗○遛○賓○館○也○以○
 此○言○變○莫○大○焉○以○此○言○象○莫○甚○焉○而○要○以○陳○俊○方○順○倡○之○
 葉○美○等○佐○之○賴○魁○復○從○而○德○憑○之○此○不○特○門○隸○吳○松○當○下○目○擊○
 即○俊○等○口○供○亦○和○盤○托○出○矣○陳○俊○方○順○挾○怨○辱○官○合○毀○城○旦○葉○
 美○余○三○陳○憲○攘○臂○助○陳○合○與○從○中○鼓○舞○之○賴○魁○倩○人○行○票○之○監○
 榮○分○別○杖○治○
 以○賦○辭○為○讞○詞○爛○狀○奪○目○

懇草東改折

看○得○草○東○係○軍○前○急○需○豈○堪○減○折○買○運○乃○動○支○正○項○矣○敢○優○容○

綠○照○和○平○地○樓○江○西○離○省○獨○遠○蓋○越○龍○川○河○源○永○安○歸○善○博○羅○

東○莞○之○六○縣○始○得○到○焉○且○僻○居○萬○山○之○中○層○巒○四○塞○水○道○不○通○

惟○東○水○一○帶○小○溪○透○縣○磯○激○灘○高○波○濤○險○惡○小○舟○上○下○必○用○竹○

纜○引○吊○稍○一○失○足○人○舟○立○沒○是○其○輸○運○之○艱○已○不○等○於○他○縣○矣○

又○今○年○七○月○雨○浸○八○月○風○摧○正○當○嘉○禾○含○華○吐○寔○之○際○加○以○螟○

蝻○交○侵○禾○苗○多○死○而○成○之○望○十○無○二○三○夫○以○四○里○之○殘○區○求○八○

萬○之○草○束○數○已○難○充○而○又○值○時○年○之○無○可○留○買○且○也○山○窮○小○舟○

和縣尹 吳靜臍 錢塘人

懇草東改

載○草○不○過○十○餘○束○而○催○金○非○一○兩○不○可○累○計○不○費○曹○無○從○出○縣

從○凋○殘○新○招○農○患○以○足○經○制○者○全○不○諳○公○事○責○以○解○運○欲○身○行

則○載○少○而○費○多○欲○有○稅○則○山○嶮○而○力○困○至○于○地○方○之○難○買○長○路

之○風○濤○日○久○爛○泥○之○虞○軍○机○運○悞○之○惧○且○掛○號○投○批○案○成○額○例

一○朝○奔○命○累○世○常○差○若○欲○解○運○到○省○不○獨○身○家○罄○盡○性○命○以○之

子○孫○勿○論○也○苦○中○之○苦○更○難○一○言○盡○者○早○我○仰○承○憲○令○俯○念

地○方○慈○心○體○察○其○情○事○寔○如○此○在○上○臺○爰○養○深○心○必○不○忍

其○疲○勞○無○告○也○仰○望○恩○准○與○改○折○或○賞○貴○差○就○近○代○買○或

附○各○縣○幫○買○貼○解○東○益○均○調○使○由○不○使○知○以○全○合○縣○百○姓○即○早

我○亦○感○再○生○周○庇○馨○竹○莫○書○否○准○賜○減○省○倍○價○折○納○思○出○上○裁

非○卑○賤○所○敢○擅○專

静○腑○先○生○率○和○平○其○仁○心○仁○聞○不○可○殫○述○而○此○詳○與○教○六

坊○一○案○尤○為○真○寔○異○政○遠○駕○台○棧○諸○人○之○上

卷六 詳鳥鎗手

精細出山半叶平其山山山開不下無出此壯無壯
非軍相而節歸東
如六卷再主風取禁以莫書否罪願汝無辭歸休思山十條

詳鳥鎗手

看得和千山隊彈邑土瘠人稀自丁亥年大遭殘破又罹一二
營叛亂人民皆歎奔鳥散壯丁之沒於賊者過半戊子年荒疫
薦臻死填殍滿真是靡有孑遺已亥庚寅山寇出沒無常一二
殘黎流離瑣尾萬苦難言幸逢我
于順治八年閏二月初六日旬旬之際招諭流徙慰撫荏苒迄
今將已兩暮雖哀鴻稍集而殘喘未甦也嗟此孱民枝疎胆怯
即各守圍寨尚懼不支若責以擊刺之後使之投伍送戎有畏
死○累○足○回○惑○不○敢○前○耳○况○今○江○右○流○氛○時○上○彌○入○近○奉○平○南○

卷六 詳鳥鎗手

王○差○官○招○撫○其○投○誠○者○什○不○二○三○觀○望○者○尚○什○之○七○八○現○在○龍
南○接○壤○魚○之○鎮○平○風○鶴○四○鄉○日○夜○隄○防○城○中○雖○有○駐○防○官○兵○犹
慮○卑○弱○卑○職○仍○團○練○保○甲○協○力○各○守○令○十○三○團○之○衆○不○滿○百○丁
蓋○精○壯○若○此○其○家○上○也○今○奉○憲○令○取○報○民○間○精○壯○充○當○鳥○鎗
子○役○卑○賤○敢○不○多○方○派○取○速○圖○起○解○寔○綠○種○上○苦○難○不○得○不○冒
匪○徒○今○茲○山○谷○愚○氓○聞○令○輒○駭○皆○望○深○林○以○匿○影○背○家○業○而
潛○避○或○闖○園○踰○垣○更○欲○服○毒○自○盡○名○募○無○方○繫○維○無○術○此○合
縣○士○民○不○交○口○而○呼○籲○也○事○干○軍○務○不○敢○擅○專○合○與○申○請○乞
賜○批○奪○不○求○免○取○只○求○議○輸○工○食○俾○和○民○焚○頂○再○生○則○卑○賤○亦

戴德無涯矣

為○民○請○命○有○如○剝○膚○仁○人○之○言○其○利○固○溥○而○立○免○村○患○于
鋒○鏑○則○素○無○獲○止○之○誠○者○不○能○也○

仁學... 卷六... 申禁私販... 四六... 早... 堂

申禁私販

壽昌 明海若 諸志 寧

竊○惟○正○引○之○壅○由○于○私○販○之○興○而○私○販○有○二○有○引○中○之○私○有○私○

中○之○私○所○謂○私○中○之○私○其○一○自○場○而○水○海○濱○裝○載○是○也○其○一○自○

舟○而○陸○河○灘○泊○次○是○也○海○濱○之○私○止○行○海○鄉○河○灘○泊○次○之○私○其○

行○於○山○鄉○者○三○火○兩○岐○各○縣○交○界○邊○鄙○之○所○公○然○接○踵○摩○肩○盤○

山○越○嶺○國○戶○販○手○倩○僱○無○賴○之○民○此○往○彼○來○沿○門○逐○巷○民○至○有○

足○不○入○城○市○買○官○鹽○者○正○引○安○得○不○壅○私○販○安○得○不○多○商○安○得○

不○告○因○然○此○猶○屬○引○外○者○耳○至○引○中○之○私○每○包○借○名○餘○益○公○然○

夾○帶○捕○不○敢○問○官○不○得○知○掣○無○其○寔○既○有○奸○商○夾○帶○之○弊○捕○無○

上... 卷六... 申禁私販... 早... 堂

其人則私販公行○即使極名輪點○官明知其不食○誰復責以鹽斤勢必至于賣季買季○銀入手猶鼠同牢捕既無益○因而議革議革之後私販何窮○故欲嚴捕之法○莫如責成於縣○而縣以官引之鹽不壅正額之不足為驗○則勢不得不勤於比較○嚴掣之法○莫如責成於聽而聽以陋規之革○不革弊竇之清○清為據則勢不得不力為搜剔○搜剔則夫帶扼控通津比較則私販窮於小路○如私慮其私賣則私買者亦可申之於保甲○如私慮其私買則私秤私需者亦可絕之于牙行○若是而或有不

行則各縣有均引之法○食鹽與戶口相配○一縣食鹽之引目與

一縣相配○苟分一縣為四鄉○分四鄉戶口多寡配與應得引目○販引均而引不得壅外○此又有均商之法○山塢僻壤食私鹽則不出戶庭○食官鹽則動經百里○利生於便○不強所難○住賣商人舖戶既均與四鄉應得引目○則宜因舟車之便○搬運水頭村集不至道里寫遠○使食鹽買鹽之人○或出數十里之外○則商均而引又不得壅○由是以本年之引定為十分○以積年所壅之引分別帶一二分壅引○亦可漸通○而况今年額數○既有不足者○乎產鹽之地如故○行鹽之地如故○食鹽之人日繁○日費而鹽則行不逮額○此無他○各縣以鹽務為末節○以察鹽務為虛文○壅而不

呼而不應之故也

○條○通○精○詳○能○于○小○中○見○大○慶○一○縣○之○益○政○精○明○如○此○使○借
○重○嗟○政○商○裕○灶○甦○當○何○知○也

新輯仕學大業卷之七目錄

三淵 屏照堂主人彙纂

批駁 決案。終疑。

○○○真命事

秦瑞寰

○○○運糧事竣等事

秦瑞寰

○○○鬻弟沉屍等事

秦瑞寰

○○○黑慘事

秦瑞寰

○○○交獲兇犯事

秦瑞寰

○ ○ ○ 護兵行劫

王湯谷

○ ○ ○ 官吏受賊

王湯谷

○ ○ ○ 叛國害民

朱雲門

○ ○ ○ 緝究夥盜

朱雲門

○ ○ ○ 恭陳四款事

朱雲門

○ ○ ○ 駁復讐議

江南

王平子

諱度 秦安人

○ ○ ○ 覆投誠總兵控稟

胡貞巖

○ ○ ○ 劫殺兇命

趙韞退

○ ○ ○ 讐姦殺命

胡貞巖

○ ○ ○ 批抵故殺

陝西

袁輔宸

○ ○ ○ 駁抵人命

江西南

關諱

○ ○ ○ 駁豁疑獄

粵東

紀載之

諱咸亨 宛平人

○ ○ ○ 覆矜比例

浙江

張蕙堞

諱沂 山西人

○ ○ ○ 轉詳結案

湖廣

施惠山

諱閏章 宣城人

○ ○ ○ 親審賣姦

周櫟園

○ ○ ○ 駁定案盜

平陽

吳采臣

諱盛藻 和州人

○ ○ ○ 覆擬擅殺

胡貞巖

○ ○ ○ 發審具詳

胡貞巖

○ ○ ○ 地方人命

○ ○ ○ 白晝盜殺

○ ○ ○ 省釋無辜

○ ○ ○ 大逆不殄

○ ○ ○ 行高安縣發審牌

○ ○ ○ 覆不應郵

○ ○ ○ 覆勘悍兵殺人

江寧陳斯徵 諱開虞

鎮江陳九屏 諱珣

太原蔡蓮西 諱初庚 江南人

李少文

李少文

泉州王望如 諱仕雲 歙縣人

嵇爾遜

新輯社學大業卷之七

○ ○ ○ 真命事

三樹 年照堂主人彙纂



江南秦瑞寰 諱世禎 巡按

風雨之夜固讐家殺人時也然索餉不遂情非怨毒而陳華可

以無死竟至於死者不得不問同牀之人燈下之日趙莘負傷

幸脫謂宜疾呼隣援可得真犯於刺下而否也陳民潛視既確

謂宜指名告官可定鉄案於詰朝而又否也夫友朋之誼不如

兄妹之情趙莘固無論矣陳民何亦延至月餘始具一詞想低

仁學大考 卷七
○人○而○不○得○回○思○昔○日○索○餉○之○張○閏○等○以○寔○之○乎○華○命○固○不
○可○無○抵○閏○等○之○抵○亦○未○可○草○率○治○獄○者○宜○推○求○其○情○勿○止○憑○證
○口○總○之○氏○等○之○質○告○後○何○堅○告○前○何○緩○頃○以○片○言○折○之○蘇○松○道
○速○結○報○

此○駁○疑○案○式○也○筆○勢○層○上○批○部○揣摩○歷○上○如○觀○可○稱○民○自
以○不○寬○

糧運事竣等事

江南秦瑞寰 諱世禎 巡按 潘陽人

○人○即○暴○如○虎○狼○未○有○無○因○而○相○觸○者○朱○文○遠○與○姜○懋○祺○同○作○廣
○文○青○檀○相○對○宿○昔○無○嫌○朱○文○遠○突○於○酬○酢○之○間○遽○加○老○拳○於○懋
○祺○不○知○學○從○何○起○兩○日○斃○命○太○陽○鼻○梁○俱○有○真○傷○種○種○緒○閱○全
○招○求○其○故○而○不○得○第○原○詞○載○有○被○犯○會○光○先○姓○名○屍○妻○屍○侄○又
○復○伏○棺○攔○檢○心○竊○疑○之○及○本○院○庭○訊○據○文○遠○辨○稱○時○有○索○逋○流
○兵○曾○光○先○等○七○人○在○署○因○見○懋○祺○戴○帽○違○制○拳○訛○業○擊○懋○祺○猶
○以○銀○十○兩○求○解○不○意○竟○以○負○傷○抱○憤○而○死○有○司○懼○於○兵○威○桃○將
○李○代○則○文○遠○之○災○似○以○邑○人○而○代○行○人○也○文○遠○之○言○犹○不○足○信

彼○祺○妻○王○氏○庭○訐○如○出○一○口○則○其○屢○告○攔○楸○寔○以○此○耳○不○然○豈○
 有○殺○夫○大○讐○而○始○終○不○欲○執○命○者○乎○獨○恨○此○等○緊○關○情○由○原○招○
 都○不○載○入○令○人○無○從○模○索○人○命○何○事○而○忽○畧○如○此○故○耶○侯○耶○文○
 遠○先○行○疎○枋○刑○官○即○日○確○覆○以○憑○題○恤○敵○輕○情○之○訟○有○不○
 人○命○關○天○之○事○而○猶○為○兵○威○所○懼○則○毆○敵○輕○情○之○訟○有○不○
 被○悍○弄○之○把○持○耶○可○為○浩○歎○

○○○變弟沉屍等事

浙江秦瑞寰諱世禎

李○維○几○之○殺○族○弟○李○弘○選○也○屠○刀○六○創○裂○首○斷○指○沉○屍○井○底○其○
 事○甚○慘○本○由○賭○博○起○禍○忽○云○姦○母○致○殺○此○言○除○陳○氏○維○几○而○外○
 誰○則○知○之○弘○選○孱○弱○之○少○年○陳○氏○哀○老○之○嫗○母○欲○為○克○子○開○生○
 路○不○難○拚○老○羞○而○認○姦○由○此○推○之○辱○母○求○生○則○維○几○益○不○容○於○
 誅○矣○讞○者○輕○聽○而○或○曰○慷慨○或○曰○血○性○傳○記○讓○外○幾○認○兇○手○博○
 徒○為○孝○子○使○士○矣○豈○第○死○者○號○冤○地○下○尚○恐○生○者○竊○笑○園○中○今○
 亦○不○必○多○辯○總○之○捉○姦○無○跡○手○必○是○真○殺○人○償○命○無○他○辭○也○道○
 覆○審○維○几○監○候○

此等快論識語中絕少令人讀之忘倦
只辱母求生不容于死投姦無跡手刃是真四語何等簡
快蓋憲駁不比審單最要片言折獄當以此為楷模

黑慘事

大都謀殺之事必有所因李玉與吳僕張某本無夙讐與其妻

周氏絕無夙好非怨非姦何因而謀之况王之娶民籍李蓮為

媒借妻舅家成婚當時曾有受禮之人未見有陰謀強奪之跡

何自其運官京回忽興姦殺之狀携嬖而逃亦其避勢之恒態

乃竟因此而蝦鍊成獄李玉論斬李瑞且庾死不知識者是何

肺腸恐李瑞不能默默於地下也令質原告之吳福名是人非

明供為運官所使矣周氏供稱運官避亂其家挾之投靠收入

內房使用翻似運官先姦後奪夫死改嫁不能忘情故隨民所

浙江秦瑞寰潘陽人

黑慘事

仕學大乘
在○則○必○有○告○而○深○入○以○至○於○此○仰○刑○官○虛○公○確○審○力○檢○數○年○黑
障○速○解○報

發○奸○摘○伏○有○趙○廣○漢○之○風○而○不○事○鉤○簡○能○致○如○神○之○頌○似
為○過○之

交獲兇犯事

孫○民○安○髫○年○失○訓○浪○逐○天○涯○隨○販○客○於○楚○中○客○御○之○為○龍○陽○君

江南秦瑞寰
諱世禎

及○避○迨○稚○童○有○兒○偕○歸○維○揚○依○兄○民○上○恨○有○兒○洩○其○穢○行○控○兄

賺○至○僻○所○刺○以○立○斃○生○狼○乳○虎○不○如○是○之○甚○也○兇○刃○在○身○親○供

自○口○律○設○大○法○詎○能○游○移○惟○是○民○上○不○能○教○育○以○素○而○反○言○所

不○當○言○恕○所○不○必○恕○稚○子○無○知○激○而○致○此○民○上○亦○宜○有○不○安○於

心○者○監○候

弟○罹○法○網○而○斷○歸○于○教○養○之○無○素○可○謂○端○本○澄○源○之○論○矣
知○寃○心○良○瘼○者○無○事○不○辦○其○本○末○也

護兵行劫

設兵以禦盜而反為盜遣兵以護餉而反劫餉青天白日之下

何以遽有此等髮寸寸上監矣張一保口供張二席係文秀貼

身門子從不撥差一撥即有此劫本官知情等語該司招內亦

有果何意耶之歎是悍弁縱兵為賊已灼見肺腑矣乃以寃未

分贓一語為之薄擬夫知情有意全在分贓不分贓慶着辨若

以為知情有意而不分贓也果何所利而為之乎試一問王三

與二席同一得財強盜何以三立就擒而二席獨為免脫豈非

以百姓做賊人得而緝之兵卒做賊人不得而問之又豈非正

浙江王湯谷山東元曦

護兵行劫

任學大... 為窩人得而物色之文秀為窩人無從而寬測之手不然二
虎非有兩翼何以無跡可覓耶細詢王三云得財之後三往請
暨二虎返蘭谿夫文秀在金華而二虎敢望蘭谿而來此又飽
慈携資以歸文秀之活口明証也尤可疑者張一保知情一供
不旋踵斃於圖圖且何清正人士秀肯是活口何以同時告斃
此中閩拔獨不當細加推尋耶兵裨為盜刺及
正供事關重大最駭聽聞所當寧慎毋畧
起勢屹如峙岳層駁空若湧泉不特以風力矜奇至千未
結庚嶙凡遇應為屏照

○○○官吏受賍

浙江王陽谷山東人

知縣其婪跡穢著簞簞不飭今按所讞各款殊未嚴核如徵此
條銀每兩勒耗三分計一萬一千有奇該得幾何而僅據供每
兩一分止一百一十兩經承其寔為其聚斂之徒不經嚴訊蠹
役狡獪豈肯俯首承認點滴皆小民膏血詎容隱囊篋而不問
顯有疎徇民間逋欠錢糧自應追比但見年其所欠止一兩餘
罪不至死何至立斃杖下草菅人命一至于此漕糧好弊司民
牧者宜首先痛革本官反指稱臨倉妄肆科歛官既侵肥豈止
五十兩之得衙役豈無染指而經承其脫然事外豈足為信且

本官到任既在八月十五以後臨倉公用則又在十三年猶謂

未奉

上諭乎預徵私肥銀一百二十六兩有見年可証刑官烏知其
非有而遽云見年不到無從質審輕輕一語放過夫見年而可
竟聽其不到也從此無到館之犯人矣法係勸懲事干回奏
萬不敢草率從事

遂段謹嚴末路醒快事關欽案駁勘不妨過嚴恐下
寬詞嘗試也

叛國害民

浙樵 朱雲門 諱昌 唐人

徐文煥海寧蠹皂也借李正芳之餓死乃扛屍抄檢于張廷等
家造縣令出票差拘輒敢抗拒提遞省回廷為王筠故僕疑彼庇
護說情漫興通海危詞捏就魚風巨浪並將懷隙之陳文森張
伯字張心字及差拘之謝升錢君生談佑之等或証相助運米
或証同黨趕殺為一網打盡之計刁險極矣歷同滿漢會獄五
次不但地方鄰佑防守等証共質不爽即其妻馮氏亦供文煥
拾陸日上省具首相距路阻何以稱本日目覩王筠有運米下
海之事供詞矛盾顯然証叛已真法豈容貸雖其親屬自

士學大... 卷七... 叛國害民

認情虛泣憐減罪但文煥以皂囊抗法而欲陷人重辟若不嚴
 懲反坐長此安窮應照新例擬斬何說之辭
 公○之○大○有○造○于○浙○也○
 投○匪○生○人○重○足○非○
 公○一○劍○梓○蟄○執○蘭○登○茲○以○志○

○○○緝究夥盜 取盜

浙江巡撫朱雲門高唐人

趙○二○盜○案○原○供○鑿○鑿○安○得○借○紗○衫○一○件○致○滋○狡○辯○且○陸○十○亦○係
 同○夥○巨○盜○償○即○為○贓○贓○即○為○償○於○無○可○於○疑○何○所○疑○而○猶○煩○屢
 駁○屢○讞○致○稽○刑○誅○耶○竺○三○籠○械○屢○借○謝○二○弓○箭○何○物○謝○二○何○人
 何○以○輕○借○若○云○弓○箭○可○以○不○熟○識○而○借○則○以○殺○人○之○物○白○白○付
 與○不○謀○面○之○手○天○地○間○斷○無○此○等○痴○人○若○云○弓○箭○必○熟○識○而○借
 則○竺○三○謝○二○明○係○一○人○是○殺○人○劫○財○者○謝○二○而○授○二○以○殺○人○劫
 財○之○利○器○者○竺○三○也○既○為○富○主○必○有○預○謀○或○狡○兔○之○窟○別○有○寄
 頓○或○分○肥○之○後○已○經○泥○沙○豈○可○以○贓○無○起○獲○輒○漏○吞○舟

詳究夥盜

簡確明快有如許孔隙承駁者亦應一隅三反

○ ○ ○ 恭陳四款

郭院朱雲門高唐人

曹○仲○等○之○毆○死○蔣○元○也○事○起○臆○詈○輒○逞○毒○拳○檢○有○傷○痕○律○概○不

枉○但○查○曹○仲○素○無○嫌○隙○毆○後○延○醫○似○無○必○死○蔣○元○之○心○且○元○殞

于○保○辜○限○期○貳○拾○日○之○外○律○有○不○得○濫○擬○條○例○業○經○會○審○駁○勘

今○該○司○援○引○決○杖○追○給○埋○葬○之○例○此○亦○情○法○之○平○其○助○毆○擬○杖

之○曹○心○曹○四○并○硬○証○之○張○五○詐○索○之○楊○奇○各○援○赦○具○詳○前

來○允○從○追○贖○沒○官○均○候○部○議○核○奪

此○限○外○不○擬○之○例○也○備○此○為○式

恭陳四款

仁學大義 卷七

駁漢讐議

江西南王平子諱安人

朱永貴毆死朱希儒稱報祖父舊讐自投領罪諫州蔡云風忿

欲報甘心漕撫駁云千秋明議所關非獨一夫存亡所繫今據

儒兄朱希正供稱希儒先因墳地毆殺貴祖朱邦寵後恐報讐

殺死貴父朱之高據儒妻韓氏供稱晚嫁不知但曾聞儒說與

貴有讐夫希正為儒之兄韓氏係儒之妻交口稱仇則復讐為

誠確矣但律無復讐赦條先儒謂非闕文蓋以不許復仇則傷

孝子之心而垂先王之訓許復仇則人將倚法專殺無能禁上

故叮嚀其義於經而深汲其文於律韓柳二議俱以原讐之有

駁漢讐議

見堂

罪無罪定後讐者之出入按貴之讐焉起墳地則義不受誅况
 祖父兩世之讐乎假令貴以世讐為安知不為之高之續誠如
 文公所云抱微志以伺讐人之便恐不能自言於官以公羊之
 說未可以為斷也儒之考兄若妻哀求息訟倘亦知出爾反爾
 子報父讐之惡可已乎先儒謂有復讐者事發奏聞酌宜而處
 則經律無失今貴讐復兩世自首甘罪亦千古來不少概見之
 事似應奏聞

引經斷獄恰合昌黎永外兩議合可為千古定論勿作多
 著者通

○○覆投誠總兵控稟

興泉 胡貞巖 謹昇 獻
 守憲 大興 八

為發審事覆部院批林總兵稟看張玉潘龍皆投誠總兵林
 興珠下劄授遊擊也奉總戎解委查田於四一都軒車黃蓋先
 後赫奕而來御居草舍亮非駐節之區故惡什填宅及行厨七
 箸之需不得不派諸鄉社未幾而致命泰府奕未封榜列清
 門左右踉蹌村婦已撲踏於廝卒與人之手矣爾時清起而詰
 之二將內屈願署供單一紙贖身而歸兩填衣具皆其手迹未
 見開具馬二匹于單內也至云殺傷官兵劫奪欵賜之馬
 又結飲海上之人許大文章令識者難於落筆查原文內稱差

委張潘察探賊踪被剗落馬果爾則彼乘輿張傘者何人貼署
派物者何人牌委查田者又何人乎在總戎欲掩其妄委之非
在二特恩雪其供伏之耻且杜彼人命之控縱云二卯千城輕
重不敵而堂參府不自愛焉致與村農角競譁張其辭不亦
負皇恩而益名冠哉今據該府質訊問傷兵刻馬則陳崑
等諸人供二官擡轎無馬到都併無殺兵情由刻擡轎非拿賊
之具查田非拿賊之時該遇有長髮聚飲何不馳報鎮道肯以
以琴上數卒櫻彼亮鋒耶若海賊二名擒獲送解是日公衙門
偶值其事業已絕不相涉何憑起九原而問之其勒留衣物即

差押追起查對原寫供單于公衙門逐件交付林總戎及二將
親領回又勸諭兩息在泉文武于投誠官維持調護不為不周
以爲及至奉憲札查該府庭鞠之下合口稱寬二將亦叔于色
純于詞細閱來詳婉曲中情解紛妙手許清一犯籠中之鳥性
以脫縲為幸不漫以總命求伸第不知泉下冤魂肯饒人否
迺不合字服處以留心吳琛心老吏之識勿作尋常看語讀

○○○劫殺兄命

湖西趙韞退山東人

王承祚生於紀袴遇下寡恩近而肘腋之間既伏讐戈遠則殺

鋤之輩皆其敵國祥福乃佃僕也勒銀佔女之恨素當於中知

立十亦懷夙憤遂糾馮俚朝俚為內應小忠信文等為外援塗

開○起○實○在○八○字面搽戈把牆而入借明火執杖為名以遂其報讐洩憤之寔亂

鎗業刺斃承祚於牀褥之間且掠其資囊以去慘變極矣本道

以案關重辟駁審再三祥福等供吐鑿上亮俚執證甚堅况有

亮冠昭然賊物累上此案遂無遺議除立十柱俚已伏冥誅外

坐祥福以謀殺家主律凌剝不枉至控小忠信文供係祥福糾

合前來小忠雖執棍旁立殺時並未下手信文雖持扁袋物事
後亦未分賦然試問執棍旁立意欲何為不因殺主而至將為
救主而來乎主資豈私運之物人家非夜入之時既已傾壘倒
甕盡長鯨吸川之能而猶謂醉翁之意不在酒其誰聽之弒主
大逆凡預謀者不分首從同罪未敢原情輕出二犯係承祐佃
人承祐與承祐係同胞兄弟應照僱工人謀殺家長期親律與
祥福同科益仔原目淨手開門念屬後童免議餘克行縣嚴緝
務獲以正典刑

情罪相當甚無疑當閱此可為過下寡恩之戒

覆勦悍兵殺人

劉進忠倚兵索夫活殺甲長余越椿於俄頃傷械並確律抵何

辭然抵有纒首駢首之分引律不可不正而殺有毆殺故殺之

辯核情尤不可不真夫使進忠索夫之時椿不憚忠而與之開

乃以不教忠而被殺於忠則律忠以鬪毆固是正忠之罪而與

椿之目也及查前後招情進忠一帶刀入岩村村之婦子靡不

鳥駭歎散矣越椿以熒熒甲長獨當其鋒夫何敢持空拳冒白

刃哉乃勒折夫價不已椿方束手無措忠遂大肆咆哮一舉而

而直刺其腎再舉刃而重刺其脇且檢有編體重傷連片紅紫

覆勦悍兵

是○不○與○槌○交○加○有○不○立○斃○其○命○不○止○者○故○前○讞○分○獨○毆○互○毆○以
 釋○鬪○毆○之○義○以○明○越○槌○非○鬪○毆○致○死○進○忠○非○鬪○毆○之○足○殺○其○辜○
 也○今○查○忠○與○椿○無○積○怨○深○怒○先○事○固○無○謀○殺○之○情○乃○以○索○夫○價
 不○遂○而○逞○忿○鼓○刀○則○臨○時○已○具○必○殺○之○念○擬○以○故○殺○乞○不○為○枉
 查○故○殺○之○例○即○附○於○鬪○毆○之○條○故○前○讞○引○鬪○毆○而○依○故○殺○今○恐
 律○無○兩○議○相○應○改○叙○具○詳○

前讞直捷痛快後讞詳悉情形故兩存之

〇〇〇〇 讐姦殺命

興泉 胡貞巖 諱 守憲 大興 〇〇

人○命○中○誤○殺○之○情○未○有○確○控○此○案○者○殺○人○之○具○非○槌○則○不○未○聞
 以○法○器○行○凶○而○殺○人○以○鉞○者○也○呂○士○達○備○齋○薦○亡○令○僧○如○海○掉
 鉞○為○戲○即○此○一○念○於○事○佛○為○不○虔○於○事○亾○為○不○孝○業○有○可○死○之
 道○矣○如○海○辭○以○手○法○不○熟○強○而○後○可○此○豈○有○殺○人○之○心○哉○及○掉
 不○中○節○而○觀○者○譟○然○亦○可○已○矣○乃○士○達○不○容○中○止○必○欲○盡○其○能
 事○而○後○快○是○何○說○乎○如○海○無○弄○丸○之○技○而○操○鋒○劍○之○權○其○不○以
 人○為○試○者○幾○希○矣○一○掉○再○掉○而○鉞○鋒○之○下○適○中○士○達○之○腦○門○血
 流○一○夜○而○殞○命○是○其○死○也○自○死○之○耳○於○如○海○何○尤○呂○雯○痛○子○之

讐姦殺命

任學大... 卷七... 卓觀堂

深而過罪如海亦其情也○但姦婢怪阻之說○何為乎來哉○律以
誤殺之條如海之罪止此矣○如欲深求則起士達於九原而治
以不孝不虔之罪

佛事所以超死者之生○孰知適以速生者之死○當其強僧
掉發時其父不無割止而反求今日之控溺愛舐犢亦已

喜矣

批抵故殺

徐堯讚豪吏權威惟此頭上之虎冠徐敬耕憤其誣盜而毀裂
之○持虎鬚矣○喝僕執銳柄自執鑼槌逞克元旦斯時方倚服叔
微分視敬耕如腐鼠然不思故殺者抵雖族譜可更國法可俸
免乎死冤必雪當亦免首而悔錢神之不靈矣
轉招批允無事多言斯為得骸而亦古勁

世學大... 卷七 批抵故殺 卓觀堂

駁批人命

江西臬憲

審得王貴乃皂隸馮賸之朋差某年月日南昌縣比追欠里簽
 拏保歇廢科遠貴頂名徃拘當晚欲見官銷茶科與爭抗其恨
 貴者至矣次日貴又偕馮昇徃科已他出子察學出應怒氣相
 加貴激不少遜學遂舍昇而毆貴亮拳亂下貴遍體受傷昇方
 為勸解學之母又挺擊昇隣人李幼波徃視之則學方忿忿未
 釋手也口稱知縣管我不得扭結到縣值賴令閱卷在衙學吃
 孝恣肆擊鼓狂譁就川堂扯貴毒打隨致嘔血賴令不能堪稟
 院將學父子各責仍向縣責貴爾時貴僅存絲息自分必死曰

到○北○沙○下○便○見○明○白○夫○北○沙○蓋○簡○屍○所○也○其○父○王○文○扶○出○縣○門○
貴○即○欲○以○康○宅○為○死○所○文○強○技○以○歸○行○行○不○前○至○高○橋○氣○絕○三○
經○簡○驗○肋○骨○斷○絕○太○陽○心○坎○腮○朕○胸○膈○腦○後○臂○膊○等○處○無○一○不○
傷○前○識○者○重○滋○葛○藤○執○夫○尉○相○單○謂○與○簡○痕○分○寸○不○對○不○思○倉○
皇○一○相○只○看○有○傷○與○否○其○於○分○寸○原○不○暇○致○詳○且○學○之○克○悍○目○
無○縣○官○何○有○於○尉○寧○不○可○意○為○輕○重○者○即○就○傷○論○惟○受○害○淺○反○
現○於○皮○膚○若○中○毒○深○自○入○於○骨○節○故○驗○傷○必○驗○骨○正○見○皮○膚○之○
不○足○據○也○乃○因○骨○節○而○疑○及○於○皮○膚○亦○疑○所○不○當○疑○者○矣○所○竊○
疑○者○傷○之○斜○與○圓○不○合○乃○縣○審○云○拳○有○正○反○拳○反○故○傷○斜○一○經○

粘○破○頓○覺○豁○然○本○犯○猶○稱○貴○死○於○醉○跌○夫○垂○斃○之○時○安○及○於○醉○
父○携○其○子○何○至○于○跌○高○橋○又○坦○直○通○路○非○危○險○之○地○此○謬○言○不○
足○信○者○再○辯○肋○斷○應○速○殞○何○以○能○至○縣○夫○肋○骨○雖○係○致○命○豈○必○
旋○斷○旋○亡○今○毆○於○晨○死○于○午○亦○不○可○謂○不○速○矣○又○辯○傷○偏○于○左○
指○為○跌○証○大○都○行○毆○者○以○右○手○為○便○鞠○馮○昇○云○當○日○左○手○捩○髮○
右○手○揮○拳○此○以○右○出○彼○以○左○受○拳○毆○之○券○益○確○益○真○况○右○又○豈○
盡○無○一○傷○也○本○犯○始○舌○結○而○語○塞○按○律○絞○抵○庶○慰○幽○魂○
受○害○之○深○淺○揮○拳○之○正○反○行○毆○之○左○右○詳○明○真○確○可○補○檢○
單○所○未○備○

駁駁疑獄

粵東紀載之詳咸亨

覆審得極塚大罪也駢死大戮也○
事也疑而辟辟者不服况疑中之疑罪外之罪乎○
如程明字發

掘趙山祖塚所據者惟羅榮春活口○
塚也○未嘗報發塚之為程民也○
揣其事理幽燭隱情誠哉於程

民不能無疑誰無父母道路寒心○
謀之程士亭斃於獄者天刑矣○
就使的的無疑程明字已得微

為從之減况四隣里長並無一人見証○
而又不能一手指定則將以何者為確供寔據○
而○死○程○士○亭○者

士學大典

卷七

駁駁疑獄

十一

見

此○依○之○獄○最○要○詳○妥○如○此○起○棺○索○贖○何○得○以○得○財○殊○死○改○
 擬○允○協○聞○之○能○益○人○神○智○

轉詳結案

湖○西○施○愚○山○宣○城○人
 守○憲

覆○審○得○潘○周○六○一○案○以○人○命○有○傷○依○律○究○簡○者○法○也○乃○原○告○潘

阿○蘇○潘○良○九○合○詞○攔○息○非○煩○人○之○仁○難○信○即○行○財○之○寔○當○研○故

力○請○批○縣○開○簡○今○該○縣○院○稱○同○毆○之○周○四○孫○二○脫○逃○則○加○功○難

定○孀○孀○攔○控○呼○籲○堪○憐○雖○有○深○文○難○以○置○之○死○矣○所○恃○以○確○此

案○者○周○六○以○無○家○朴○豎○既○可○破○行○財○之○疑○二○犯○以○漏○網○潛○鱗○後

分○其○致○命○之○罪○且○寒○肺○石○以○枯○萎○泣○而○暴○野○骨○以○稽○憲○章○不○惟

非○情○政○非○法○矣○合○無○依○擬○轉○詳○聽○候○裁○奪

開○閣○呼○應○章○法○入○古○所○謂○以○少○許○勝○多○許

轉詳結案

○○○親審賣姦

青川 周櫟園 諱亮 河南人

審得富民翁懷泉廣債蛟川馮某則兵捕而開張米舖者也有

妻某氏婉約多姿時露風情與懷泉締拜義父眼下心前久訂

桑中之約矣懷泉之抵都以為東道主亦曰此銅雀別館耳而

在馮某且以是為奇貨可居也察締拜以客歲六月馮某適有

東甌之行其天假之緣耶抑其自識為眼中釘拔去以予二人

之使耶昔何以和今何以投夫懷泉固賈人也惜王之心不勝

其惜金所以來二十夜之叫噪耳王美觀之燈焰陸敬之保認

懷泉即百喙何能裁而其猶激切欲休此媼以洗穢濁之名試

仁學九考 卷一 十一

仕學大業
問○捉○獲○之○時○胡○不○鳴○官○而○須○之○次○日○即○云○置○酒○憇○息○卧○榻○新○睡○
之○恨○豈○杯○酒○可○消○者○哉○亦○從○前○知○情○之○大○證○矣○懷○泉○設○財○漁○色○
馮○其○賣○姦○誑○稟○應○分○別○擬○杖○
爰○書○全○在○披○剝○處○著○神○一○駁○一○斷○吃○若○金○參○

駁定案盜

審得胡守二兩臂俱黥黥而復竊者五家平陽吳采臣諱盛孫

阿一亦守二初供之人在五名內者今熊字十五八九王皆十

熊俊五各係真盜別案被獲而阿一豈得為鷄羣之獨鶴耶且

毛仙羅天十先到阿一家邵仙羅興尚未往也據云赫詐然彼

口稱為之韓旋為之打點並未言及為之申雪是其真盜之

一驗矣而阿一兩告抵拘互提抗結以致黨逸賊消令識者有

深憾焉若所告詐財數目不同名字不一縱由其中心驚懼舞

筆奮詞此正肺肝之可見而情事之莫掩者也守二之始執而

駁定案盜一

復改為教唆者○蓋其初獲時○良心猶不昧○久而狡計日生○彼且
 能以失主認定之○賊妄稱為同熟之○已物又何難以供寔之○阿
 一○改而為教唆○乎○經十年則真偽愈亂○人越兩府則町
 珍○易分○今既不能起○邵仙羅興○於九原而訊之○惟據守二之○改
 奴○方○欲○辯○已○之○盜○証○肯○證○人○之○高○遠○與○初○情○判○然○兩○截○獄○案○之
 不○可○不○奈○定○也○如○此○哉○所○幸○言○詞○一○可○變○兩○臂○難○更○守○二○之○絞○有
 的○據○矣○查○第○二○犯○賊○止○方○巾○一○頂○沐○猴○無○自○冠○之○理○市○費○非○高
 價○之○物○竊○此○何○為○雖○不○免○惻○隱○於○仁○人○然○既○已○成○其○二○犯○從○何
 處○可○開○一○面○也○吳○阿○一○窩○盜○即○無○贓○証○証○律○難○究○毛○仙○之○告○原

屬○應○兵○行○騙○既○未○得○財○姑○與○白○役○羅○天○十○及○党○惡○硬○証○之○陳○其
 各○杖○

無○懈○可○擊○今○人○不○得○增○減○隻○字○真○所○謂○老○吏○斷○案○

覆檀殺

審得溫陽春挾仇檀殺罪在不赦之條矣

巡興泉胡貞巖大與

招安至再之賊也夫招安之賊准與前除斯法也乃為迫於饑

寒出于誘脅投誠歸化革面自新者殺耳之佐等叛而撫撫而

渡叛復叛而又撫豈得齒于良民之列哉先年移寓他庄他庄

不容居住其生平素行為閭里側目可知已至某月山寇猖獗

之佐等復劫牛駟歸寨二人一日不剪同村之民一日卧不貼

席也欲共強而甘心焉亦情之必至但之佐等確有可死之罪

而陽春寔非可殺之人擬以檀殺之律不得為陽春寔亦不能

任○學○大○
為○陽○春○苛○也○鄉○長○趙○萬○策○等○異○口○同○詞○皆○供○二○人○通○賊○是○寔○即○
此○一○語○足○為○死○生○定○案○矣○
情○罪○兩○協○可○稱○明○允○
雖○陽○春○為○法○受○極○亦○廷○以○寒○反○側○之○
胆○

發審具詳

興泉胡貞嚴
諱昇歆

審○得○袁○文○甫○者○大○盜○袁○三○狗○之○弟○訪○蠹○嚴○學○曾○之○婿○也○其○所○以○
武○斫○一○方○使○人○不○敢○櫻○其○鋒○者○恃○有○兩○檣○杭○在○耳○需○求○富○人○而○
不○得○則○通○盜○兄○使○劫○之○指○使○貧○民○而○不○聽○則○唆○蠹○岳○使○害○之○富○
民○畏○劫○貧○民○畏○告○于○是○乎○文○甫○之○居○鄉○遂○無○不○行○之○令○矣○然○此○
猶○謂○豺○狼○當○道○之○時○正○其○張○牙○舞○爪○之○日○迨○兄○既○犯○而○岳○既○訪○
皮○之○不○存○毛○將○安○傳○即○遠○竄○他○方○猶○慮○風○波○之○及○柰○何○懸○不○畏○
死○猶○視○奇○禍○為○福○欲○壑○斫○于○訪○盜○之○間○哉○擇○民○之○可○食○者○非○唆○
岳○板○賊○則○令○兄○板○盜○使○人○奔○命○不○遑○何○怪○乎○梟○獍○紛○紛○咸○向○烏○

發審具詳

任○樂○身○乘
臺○乞○命○也○茲○審○云
由○此○觀○之○其○不○凶○之○避○而○為○網○之○觸○者○蓋○天○厭○其○毒○若○或○止○之○
以○明○彰○瘝○之○不○諱○耳
証○既○滿○庭○賊○亦○累○百○按○以○新○法○投○畀○何○辭○

筆勢稜嶒論斷詳確



○地○方○人○命
○殺○人○者○慎○無○赦○其○以○烈○夫○夫○殺○人○者○則○非○殺○也○慮○獄○者○之○所○慎○也○
○也○謝○武○之○殺○戴○高○緣○高○暱○其○妻○王○氏○有○日○隣○里○居○人○皆○知○之○未○
知○者○特○武○耳○或○謂○高○與○王○無○通○姦○事○查○某○月○某○日○高○自○上○午○入○
謝○門○延○及○下○午○不○去○適○武○還○家○高○始○從○後○門○逸○隣○里○居○人○又○盡○
見○之○武○始○覺○遂○逐○高○於○中○途○揪○而○錫○之○傷○其○腎○旋○舍○武○返○卧○室○
見○王○氏○尚○在○整○衣○武○怒○皆○欲○裂○毆○之○立○斃○毒○手○哉○猶○丈○夫○也○雖○
曰○殺○非○姦○所○律○有○故○殺○之○條○然○與○其○苛○而○入○之○毋○寧○矜○而○出○之○
用○振○顏○風○未○為○不○可○

士學大乘 卷七 地方人命 十八 卓衛堂

○省釋無辜

看得閔三小子年方齠齒詎懷盜心禍因胞兄閔九成素與馬

乙等同聚萑苻草面歸化編伍食糧兄之同類第未有不相識

者也及馬乙等鷹眼猶存復逃定襄偶遇小子小子如逢舊識

安知其為逃伍乎乃相隨省兄乙等中途行劫小子驚惧始知

誤入虎群所以急奔其兄而避之也所劫錢米幾何四盜分之

猶不能欲尚能以餘瀝殘瀋及童子乎無寔賊無現杖無失物

主而以此愚昧無知之弱齡入于身首異處之大辟是豈仁人

之心○豈明允之法也馬乙等既已伏誅毋容再議三小子為

太原蔡蓮西諱祖庚

盜無據難以律擬問九成本不知情相應省釋網解三回悉出
憲裁

情景逼真可為尺幅烟波萬狀

○大逆不珍

南昌李少文
司李
諱嗣京

方順一案蓋三渡爰書而終不能釋然也順為權氏義子負恩

撫而逼姦其養女大妹總且通大妹而盜其篋內之藏金狼子

禽心順之內固不足食我第原招謂順懼發篋敗露置毒進雞

以死權民則大可異矣夫砒之中人也裂齒腐喉血七竅而死

不從種權氏豈鐵石乎何僅上吐黃水得以三日延也親族

問病之日權氏無他語止答以腹脹夫果中砒毒是何情景而

猶能以腹脹對安知河魚之疾非其固有耶生不聞有危急之

狀突於死後云齒黑肉綻乃主母之屍既不便於驗視而第指

大逆不珍

胡承祐等見之夫既見之則當特便應驚駭詰問死因何以寐
 然舍殮也即此羅以奉主母餘人莫食之言亦頗鄰於恭敬若
 謂恐傷旁人而戒勿食則又明亦人以有毒矣豈陰謀者肯作
 是語乎况毒死權氏亦甚無益也權氏有子方日念雖平日與
 母路人然母死終必收其囊橐順即毒氏豈能并日念而毒之
 且篋中包石既能運入於未毒之先何不運出於既毒之後傾
 留此為進毒之左證乎如曰日念為鑄之急勢不反運則此奴
 亦何難竊負以颺而留連不去亦殊非進毒初心矣夫日念於
 疾革不問於舍場不親止知母死而家箒我操喪畢而銀篋可

故矣迨督篋得石大失所望始以弒謀見告盜耶告我耶告
 盜則自有盜財之本律若告毒死又不應在四日外矣是日
 念止從何堵起見弒母之說特詞內之駢枝耳夫以蓋棺不驗
 之死而懸加凌剝不救之罪本犯肯心拚否此案似應就盜論
 盜若毒之說存疑可也
 因姦致盜疑盜及弒甚其罪而文致之無恕詞矣何幸得
 此然辱之照乎

○○○行高安縣發審牌

南昌李少文江陰人

張燠訟劉傅羅李四姓詞甚張皇但四姓供係世佃而燠且稱

為世僕○與佃則有分矣○四姓供當日止賣田而燠且併欲有

其屋○與田又有分矣○乃問之證○無有索其契○無有唯欲

取憑于從前之斷案○不思舊案果足盡憑○何以又起後來之紛

競乎○仰高安縣即查劉賢一等是否張燠奴僕○有何的據○所欠

田租○確有若干數目○其田賣張糧係何人輸納○魯否道割○隨田

之屋○現係四姓居住○魯否出賣與張○有無文約○可據屋有幾楹

植價○幾許○各姓欠租之數○果否足抵屋價○逐一細查明確具由

發審輝多不能備載僅存一二月作辭式

覆不應卹

擅殺應死罪人律謂以平民擅殺罪人也

罪人猶之平民而殺平民矣平民相殺有謀故律無擅殺律細

閱前招謝司字等與黃華卿俱各為賊聞殺成讐縱使鄉眾攻

殺亦當首從論抵况有主謀之司字向俱賊黨而素有嫌隙者

乎恤部列在矜疑為李其在所供不知何因與眾人殺之之語

耳不知司字華卿因作賊而有舊隙途人李其在民也非賊也

烏得而知之况攻殺在眾人造意有謀主又其彰彰者乎果非

司字發縱指使則眾人殺之付之眾人可也胡為乎勒黃德寫

泉州王望如歙縣人

上... 覆不應卹

任學
卷七
三四
卓
觀
室

領○認○為○陣○死○則○及○昔○深○擊○乘○機○糾○殺○一○種○肺○肝○和○盤○托○出○矣○至
明○遠○不○據○德○以○不○在○場○為○辭○恐○塞○長○易○結○為○幽○魂○難○消○也○各○燕
原○擬○洵○不○為○枉

詰○奸○身○亂○厥○罰○維○嚴○是○武○侯○之○治○蜀○也○此○牘○深○合○此○意

